

海寧王靜安先生遺書

三十三



五代兩宋監本考卷上

海甯 王國維

五代監本

甲九經三傳

舊五代史唐書明宗紀長興三年二月辛未中書奏請依石經文字刻九經印板從之

又周書馮道傳唐明宗時以諸經舛謬與同列李愚委學官田敏等取西京鄭覃所刊石經彫為印板流布天下後進賴之

冊府元龜後唐宰相馮道李愚重經學因言漢時崇儒有三字石經唐朝亦於國學刊刻今朝廷日不暇給無能別有刊立嘗見吳蜀之人鬻印板文字色類絕多終不及經典如經典校定雕摹流行深益於文教矣乃奏聞敕下儒官田敏等考校經注

敏於經注長於詩傳考訂正援引證據聯為篇卷先經奏定而後雕刻乃分政事堂厨錢及諸司公用錢又納及第舉人禮錢以給工人賜敏襲衣繒綵銀器并賜司業趙銖襲衣繒綵又長興三年四月敕近以編注石經雕刻印板委國學每經差專知業博士儒徒五六人勘讀并注今更於朝官內別差五人充詳勘官太子賓客馬縞太常丞陳觀祠部員外郎兼太常博士段顥太常博士路航屯田員外郎田敏等朕以正經事大不同諸書雖以委國學差官勘注蓋以文字極多尚恐偶有差誤馬縞以下皆是碩儒各專經業更令詳勘貴必精研兼宜委國子監於諸色選人中召能書人謹楷寫出旋付匠人鏤刻每五百紙與減一選所減等第優與遷轉官資

五代會要長興三年二月中書門下奏請依石經文字刻九經印板敕令國子監集博士儒徒將西京石經本各以所業本經

句度鈔寫注出仔細看讀然後僱召能雕字匠人各部隨帙刻
印板廣頒天下如諸色人要寫經書並須依所印刻本不得更
使雜本交錯其年四月敕差太子賓客馬縞太常丞陳觀太常
博士段顯路航尚書屯田員外郎田敏充詳勘官兼委國子監
於諸色選人中召能書人端楷寫出旋付匠人雕刻每日五紙
當依冊府元龜
作每五百紙與減一選如無選可減等第據與改轉官資

舊五代史漢書隱帝紀乾祐元年五月己酉朔國子監奏周禮
儀禮公羊穀梁四經未有印板欲集學官考校雕造從之

五代會要漢乾祐元年閏五月國子監奏見在雕印九經內有
周禮儀禮公羊穀梁四經未有印本欲集學官校勘四經文字
鏤板從之

五代會要周廣順三年六月尚書左丞兼判國子監事田敏進
印板九經書五經文字九經字樣各二部一百三十冊

冊府元龜周太祖廣順三年六月尚書左丞兼判國子監事田敏獻印板九經五經文字九經字樣各二部一百三十策奏曰臣等自長興三年校勘雕印九經書籍經注繁多年代殊邈傳寫紕繆漸失根源臣守官膠庠職司校定旁求援據上備雕鐫幸遇聖朝克終盛事播文德於有截傳世教以無窮謹具陳進玉海後唐長興三年二月命國子監校正九經以西京石經本抄寫刻板頒天下四月命馬縞陳觀田敏詳勘周廣順三年六月丁巳十一經及爾雅五經文字九經字樣板成判監田敏上

之

各二部一百三十冊四門博士李鷄書惟公羊前三禮郭暭書

宋史儒林傳田敏後唐天成初為國子博士詔與馬縞等同校九經晉天福四年授祭酒敏雖篤於經學亦好為穿鑿所校九經頗以獨見自任如改尚書若網在綱為若網在綱又爾雅椹木槿注曰日及改曰白及如此之類甚眾世頗非之

冊府元龜樊倫為國子司業太祖廣順末尚書左丞田敏判國子監獻印板九經書流行而儒官數多是非倫掇拾舛誤訟於執政又言敏擅用賣書錢千萬請下吏訊詰樞密使王峻以素聞敏大儒左右之密訊其事構致無狀然於其書至今是非未悉

宋史儒林傳聶崇義漢乾祐中累官至國子監禮記博士校定公羊春秋刊板於國學

金石錄右後唐汾陽王真堂記李鶚書鶚五代時仕至國子丞九經印板多其所書前輩頗貴重之

余後得此記其筆法蓋出歐陽率更然密於法度而韻不能高非名書也

揮麈錄母昭裔貧賤時嘗借文選於交游間其人有難色發憤異日若貴當板以鏤之遺學者後仕王蜀為宰相遂踐其言印行書籍創見於此事載陶岳五代史補後唐平蜀明宗命太學博士李鶚書五經做其製作刊板於國子監為監中印書之始

明書 一
明清家有鶚書五經印本存焉後題長興二年也

容齋續筆予家有舊監本周禮其末云大周廣順三年五月雕造九經書畢前鄉貢三禮郭溪書列宰相李穀范質判監田敏等銜於後經典釋文末云顯德六年己未三月太廟室長朱延熙書宰相范質王溥如前而田敏以禮部尚書為詳勘官此書字畫端嚴有楷法更無舛誤

直齋書錄解題九經字樣一卷往宰相城南出謁有持故紙鬻於道者得此書乃古京本五代開運丙午所刻也遂為家藏書籍之最古者

宋無名氏愛日齋叢鈔通鑑云唐明宗之世宰相馮道李愚請今判國子監田敏校定九經刻板印賣朝廷從之後周廣順三年六月丁巳板成獻之由是雖亂世九經傳布甚廣此言宰相請校正九經印賣當是前長興三年事至是二十餘載始辨田

敏為漢使楚假道荆南以印本五經遺高從誨

宋史田敏傳亦記此事但不著時代

意其

廣順以前五經先成

張淳儀禮識誤序此書初刊於周廣順之三年復校於顯德之

六年本朝因之所謂監本者也

卷一又引顯德中吉觀國所校監本

右宋人所記五代監本九經大略如此其中不無小小抵牾當分別論之一監本九經雖依唐石經文字然唐石經專刊經文監本則兼經注考六朝以後行世者只有經注本無單經本唐石經雖單刊經文其所據亦經注本如周易前題王弼注尚書題孔氏傳毛詩題鄭氏箋周禮儀禮禮記均題鄭氏注左傳上題春秋經傳集解下題杜氏公羊上題春秋公羊經傳解詁下題何休學穀梁題范甯集解孝經題御製序及注論語題何晏集解爾雅題郭璞注又注家略例序文無不載入是石經祖本本有注文但刊時病其文繁故存其序

例刊落其注耳監本反是雖兼經注非徑以經注本上板乃
 用石經經文而取經注本之注以加之故長興三年敕云編
 注石經會要云將西京石經本各以所業本經句度鈔寫注
 出則其淵源編寫可得而知然監本經文雖依石經亦非無
 所校定如禮記不以月令為首尚書若網在綱改為若綱在
 綱顯與石經本殊異此當辨者一也二監本九經固發端於
 吳蜀印板文字然王仲言以為做蜀母昭裔文選製作則大
 不然昭裔相蜀在孟昶明德二年晉唐清泰二年至廣政十六七年尚
 在相位仲言謂其相王蜀已非事實其刊文選在相蜀後不
 得在長興之前又通鑑載昭裔開學館刻九經在廣政十六
 年即周廣順三年孔平仲珩璜新論亦云周廣順中蜀母昭裔請刊印
 板九經正田敏九經板成之歲昭裔所刊當做其製此即蜀大字九經與石經無涉
 近人或廣王仲言之說謂蜀本九經先於監本尤乖事實此

當辨者二也三監本經數雖或云九經或云五經實則易書詩三禮春秋三傳外尚有孝經論語爾雅附以五經文字九經字樣與唐石經種數正同此當辨者三也四監本刊刻次序則五經與孝經論語爾雅五經文字九經字樣皆成於晉漢之間故漢時田敏奉使以印本五經遺高從誨據宋史敏傳兼有孝經而五經文字九經字樣亦有開運丙午田敏序至二禮二傳則經始於乾祐斷手於廣順至是遂并九經進御此當辨者四也五監本書人則五經孝經論語爾雅皆李鶚書王仲言謂其家有李鶚書五經玉海載景德二年國子監言尚書孝經論語爾雅字體訛舛請以李鶚本別雕是石晉以前所刊皆鶚一人書至二禮二傳刊於周初者則周禮公羊皆郭嶧書儀禮穀梁雖不詳書人姓名然以前事例之疑亦嶧書王伯厚謂嶧但書公羊以洪氏所藏周禮證之分明未諦此當辨

者五也六監本行欵據日本室町氏所刊爾雅古佚叢書有復刊本末有將

仕郎守國子四門博士臣李鶚書一行其本避南宋諱當是

南渡後重翻五代監本或翻北宋時遞翻之本觀釋草榘木槿注日及不作白及是經宋人修改之

證其書每半葉八行行大十六字小二十一字與唐人卷子

本大小行欵一一相近竊意此乃五代南北宋監中經注本

舊式他經行欵固不免稍有出入然大體當與之同如北宋刊諸經疏雖每行字數

各經不同然皆半葉十五行如吳中黃氏所藏周禮秋官二卷昭文張氏所藏禮

記殘卷內府所藏孟子章句十四卷皆與李鶚本爾雅同一

行欵疑亦宋時監本若翻監中之本又後來公私刊本若建

大字本興國軍本盱江廖氏及相臺岳氏本凡八行十七字

之本殆皆淵源於此此當辨者六也刊本經籍以五代監本

為首而自來罕討論及之者故輒復覲縷焉

乙經典釋文

五代會要顯德二年二月中書門下奏國子監祭酒尹拙狀稱
准敕校勘經典釋文三十卷雕造印板欲請兵部尚書張昭太
常卿田敏同校勘敕其經典釋文已經本監官員校勘外宜差
張昭田敏詳校

玉海周顯德中詔刻序錄易書儀禮周禮四經釋文皆田敏尹
拙聶崇義校勘自是相繼校勘禮記三傳毛詩音並拙等校勘
又古文尚書音義周顯德六年田敏等校勘郭忠恕覆定古文
並書刻板

容齋續筆予家有舊監本經典釋文末云顯德六年己未三月
太廟室長朱延熙書列宰相范質王溥名而田敏以禮部尚書
為詳勘官此書字畫端嚴有楷法更無舛誤

監上

平似有知書字畫辭義亦謂之更無執點

大障室其未及則書代筆則其書王氣久而田接以動時倘有

容齋勸筆介宋有善益其與新法入之與新六筆已味三月

並書險然經行欲其

又古文尚書音義佩註其平似與筆法通曉忠效勇武古文

此蟲崇其射蟻自長則筆射蟻射以三射法其書立漸落野健

正其國隨動中歸隨承親長書射動風射回整新文皆和齊共

求器印排新射來本射山事氏及相臺其氏本凡八行上七字

常卿田地同文他姓其與新文已整本蓋管續射他似直基

郵姓其地與新文正士卷親造射他似新無將尚書承郭太

及大會要圖圖二卷二月中香門下夫因元其宗而共出夫其

五代兩宋監本考卷中

海甯 王國維

北宋監本

周易九卷略例一卷注王弼

尚書十三卷傳孔氏

毛詩二十卷箋鄭氏

周禮十二卷注鄭氏

儀禮十七卷注鄭氏

禮記二十卷注鄭氏

春秋經傳集解三十卷杜氏

春秋公羊經傳解詁十二卷何休學

春秋穀梁傳十二卷范甯集解

孝經一卷御製序并注

論語十卷何晏集解

爾雅三卷郭璞注

五經文字三卷

九經字樣一卷

宋史儒林傳李覺淳化初上以經書板本有田敏輒刪去者

數字命覺與孔維詳定

監中
玉海景德二年九月國子監言尚書孝經論語爾雅四經訛
舛請以李鶚本別雕命杜鎬孫奭校勘

又景德二年九月辛亥命侍講學士邢昺與兩制詳定尚書
論語孝經爾雅文字先是國子監言羣經摹印歲深字體訛
缺請重刻板因命崇文檢詳杜鎬諸王侍講孫奭詳校至是
畢又詔昺與兩制詳定而刊正之

又祥符七年又并易詩重刻板仍命陳彭年馮元校定自
是九經及釋文有訛缺者皆重校刻板

又天禧五年五月辛丑令國子監重刻經印板以歲久剝損
也

晁公武石經考異序公武異時守三榮嘗對國子監所摹長
興板本讀之其差誤蓋多矣昔議者謂大和石本校寫非精
時人弗之許而世以長興板本為便國初遂頒布天下收向

日民間寫本不用然有訛舛無由參校判知其謬猶以為官
既刊定難以獨改由是而觀之石經固脫錯而石本亦難盡
從公武至少城寒暑一再易節暇日因命學官校讐之石本

此謂蜀
石經

周易說卦乾健也以下有韓康伯注略例有邢璣注禮

記月令從李林甫改定者監本皆不取外周易經文不同者
五科尚書十科毛詩四十七科周禮四十二科儀禮三十一
科禮記三十二科春秋左氏傳四十六科公羊傳二十一科
穀梁傳一十三科孝經三科論語八科爾雅五科其傳注不
同者猶多不可勝紀獨計經文猶三百二科

玉海張奐又校石經與監本同
異為石經文注考異四十卷

岳珂九經三傳沿革例京師承平胄監經史多承五季之舊
今故家往往有之實與俗本無大相遠

孟子十四卷音義一卷

玉海祥符四年校孟子七年正月上新印孟子及音義

周易正義十四卷

尚書正義二十卷

毛詩正義四十卷

禮記正義七十卷

春秋左傳三十六卷

玉海端拱元年三月司業孔維等奉敕校勘孔穎達五經正義百八十卷詔國子監鏤板行之易則維等四人校勘李說等六人詳勘又再校十月板成以獻書亦如之二年十月以獻春秋則維等三人校勘王炳等三人詳校邵世隆再校淳化元年十月板成詩則李覺等五人再校畢道昇等五人詳勘孔維等五人校勘淳化三年壬辰四月以獻禮記則胡迪等五人校勘紀自成等七人再校李至等詳定淳化五年五月以獻

孔維等上校定五經正義表臣維等言臣等先奉敕校勘五經正義今已見有成堪雕板行用者伏以三才分而書契

肇啟六籍著而學校斯興由是體國辨方必宗乎典禮修文
立教實本於膠庠則郁郁乎文於周為盛矣後暨法值挾書
復時經戰國或年祀遠而篇簡脫爛或師徒衆而傳授差訛
存歷朝錯綜之文雖具陳解說在羣儒講論之旨亦互有異
同唐貞觀中國子祭酒孔穎達考前代之文採衆家之善隨
經析理去短從長用功二十四五年撰成一百八十卷自是
至此三百餘年講經者止務銷文應舉者惟編節義苟期合
格志望策名出身者急在干榮食祿者多忘本業一登科級
便罷披尋因循而舛謬潛滋節略而宗源莫究伏維應天運
統天睿文英武大聖至明廣孝皇帝陛下道高貫月德邁重
瞳武達遐陬文加異俗舉前朝之墜典正歷代之舊章崇儒
雅之風三王却軫闡詩書之教兩漢厚顏臣等謬以寡聞幸
塵華貫猥奉窮經之寄曾無博古之能空極覃精寧周奧義

今則逐部各詳於訓解寫本皆正於字書非遇昌期難興大教既釋不刊之典願垂永代之規儻令雕印以頒行乞降絲綸之明命干犯旒冕臣等無任戰汗兢惶激切屏營之至謹奉表陳請以聞臣維等誠惶誠恐頓首頓首以聞端拱元年三月日勘官承奉郎守大理評事臣秦爽等上表勘官徵事郎守太子右贊善大夫臣胡令問勘官承奉郎守太子右贊善大夫柱國臣解貞吉勘官承奉郎守殿中丞柱國臣胡迪勘官朝奉郎守國子毛詩博士柱國賜緋魚袋臣解損勘官承奉郎守國子禮記博士賜緋魚袋臣李覺勘官承奉郎守國子春秋博士賜緋魚袋臣袁逢吉都勘官朝請大夫守國子司業賜紫金魚袋臣孔維

宋史儒林傳孔維受詔與學官校定五經疏義刻板行用功未及畢被病將終召其壻鄭革口授遺表以五經疏未畢為

恨淳化二年卒

又太宗以孔穎達五經正義刊板詔孔維與李覺等校定

宋史趙安仁傳安仁雍熙二年登進士第會國子監刻五經正義板以安仁善楷隸遂奏留書之

玉海國子監刻五經正義板以趙安仁有蒼雅之學奏留書之踰年而畢

又淳化三年以前印板召前資官或進士寫之

宋史儒林傳判監李至言本監先校定諸經疏其間文字訛謬尚多深慮未副仁君好古誨人之意也蓋前所遣官多專經之士或通春秋者未習禮記或習周易者不通尚書至於旁引經史皆非素所傳習以是之故未得周詳伏見國子博士杜鎬直講崔頤正孫奭皆苦心彊學博貫九經問義質疑有所依據望令重加刊正冀除舛謬從之

監中
玉海淳化五年判監李至言義疏釋文尚有訛舛宜更加刊
定杜鎬孫奭崔頤正苦學強記請命之覆校至道二年至請
命禮部侍郎李沆校理杜鎬吳淑直講崔偓佺孫奭崔頤正
校定咸平元年正月丁丑劉可名上言諸經板本多誤上令
頤正詳校可名奏詩書正義差誤事二月庚戌奭等改正九
十四字沆預政二年命祭酒邢昺代領其事舒雅李維李慕
清王煥劉士元與焉五經正義始畢

毛詩正義後校勘經進銜名

廣文館進士臣韋宿書

鄉貢進士臣陳元吉書

承奉郎守大理評事臣張致用書

承奉郎守光祿寺丞臣趙安仁書

勘官承奉郎守大理評事臣秦奭

勘官徵事郎守太子右贊善大夫臣胡令問

勘官承事郎守太子左贊善大夫柱國臣解貞吉

勘官中散大夫國子博士同判國子學柱國臣解損

都勘官朝請大夫守國子司業柱國賜紫金魚袋臣孔維

詳勘官將仕郎守開封府雍丘縣主簿臣孫俊

詳勘官許州觀察支使登仕郎大理寺丞兼監察御史臣王元貞

詳勘官登仕郎守將作監丞臣尹文化

詳勘官登仕郎守光祿寺丞臣牛韶

詳勘官儒林郎大理寺丞臣畢道昇

朝請郎守國子學丞臣劉弼再校

奉直郎守太子右贊善大夫臣劉弼再校

朝請郎守殿中丞賜緋魚袋臣胡令問再校

中散大夫守國子祭酒兼尚書工部侍郎柱國會稽縣開國

男食邑三百戶賜紫金魚袋臣孔維都再校

宣德郎守尚書水部員外郎直史館兼判國子學賜緋魚袋
臣李覺都再校

淳化三年壬辰四月 日朝散大夫給事中參知政事柱

國賜紫金魚袋臣李沆等進

正奉大夫給事中參知政事上柱國襄陵郡開國公食邑一

千戶賜紫金魚袋臣賈黃中

推忠協謀佐理功臣金紫光祿大夫尚書吏部侍郎同中書

門下平章事上柱國清河郡開國侯食邑一千戶食實封

貳伯戶臣張齊賢

推忠協謀同德佐理功臣金紫光祿大夫尚書右僕射兼中

書門下平章事侍郎同中書門下平章事監修國史隴西

郡開國侯食邑二千一百戶食實封陸佰戶臣李昉

右見日本
竹添氏所

藏南宋
覆本

春秋左傳正義後校勘經進銜名

承奉郎守光祿寺丞臣趙安仁書

勘官承奉郎守國子禮記博士賜緋魚袋臣李覺

勘官承奉郎守國子春秋博士賜緋魚袋臣袁逢吉

都勘官朝請大夫守國子司業柱國賜紫金魚袋臣孔維

詳勘官登仕郎守高郵軍高郵縣令臣劉若納

詳勘官登仕郎守將作監丞臣潘憲

詳勘官朝奉大夫太子右贊善大夫臣陳雅

詳勘官朝奉郎守大理正臣王炳

登仕郎守大理評事臣王煥再校

文林郎守大理寺丞臣邵世隆再校

中散大夫守國子祭酒兼尚書工部侍郎柱國會稽縣開國

男食邑三百戶賜紫金魚袋臣孔維都校

淳化元年庚寅十月 日

推忠佐理功臣金紫光祿大夫行尚書戶部侍郎參知政事

上柱國太原郡開國侯食邑一千二百戶食實封貳伯戶

臣 沔等進

推忠佐理功臣金紫光祿大夫行尚書戶部侍郎參知政事

上柱國隴西郡開國侯食邑一千二百戶食實封貳伯戶

臣辛仲甫

起復推忠協謀佐理功臣光祿大夫中書侍郎兼戶部尚書

同中書門下平章事監修國史上柱國東平郡開國公食

邑二千三百戶食實封陸伯戶臣呂蒙正

右見沈作賓所刊左傳正義

周禮疏五十卷

儀禮疏五十卷

春秋公羊傳疏三十卷

春秋穀梁傳疏十二卷

孝經正義三卷

論語正義十卷

爾雅疏十卷

玉海至道二年判監李至請命李沆杜鎬等校定周禮儀禮公羊穀梁傳及別纂孝經論語爾雅正義從之咸平三年三月癸巳命祭酒邢昺代領其事杜鎬舒雅李維孫奭李慕清王煥崔偓佺劉士元預其事凡賈公彥周禮儀禮疏各五十卷公羊疏三十卷楊士勛穀梁傳十二卷皆校舊本而成之孝經取元行沖疏論語取梁皇侃疏爾雅取孫炎高璉疏約而修之又二十三卷四年九月丁亥以獻賜宴國子監進秩有差十月九日命杭州刻板

又監景德二年六月庚寅國子監上新刻公穀傳周禮儀禮正義印板先是有唐長興中雕九經板本而正義傳寫舛駁太宗命校刊雕印而四經未畢上遣直講王煥就杭州鏤板

至是皆備十月甲申賜輔臣親王周禮儀禮公穀傳疏
中書門下牒奉敕國家徵求儒術啟迪化源看六籍之垂文
實百王之取法著於緗素皎若丹青乃有前修銓其奧義為
之疏釋播厥方來頗索隱於微言用擊蒙於後學流傳既久
謠舛遂多爰命校讐俾從刊正歷歲時而盡瘁探簡策以維
精載嘉稽古之功允助好文之理宜從雕印以廣頒行牒至
准敕故牒

景德二年六月 日牒

工部侍郎參知政事馮

兵部侍郎參知政事王

兵部侍郎平章事寇

吏部侍郎平章事畢

麟臺故事咸平四年九月翰林侍讀學士國子祭酒邢昺直

祕閣杜鎬祕閣校理舒雅直集賢院李維諸王府侍講孫奭
殿中丞李慕清大理寺丞王煥劉士玄國子監直講崔倓
表上重校定周禮儀禮公羊穀梁傳孝經論語爾雅七經疏
義凡一百六十五卷命摸印頒行賜宴於國子監曷加中散
大夫鎬等並遷秩至景德二年九月又命侍講學士邢曷兩
制詳定尚書論語孝經爾雅錯誤文字以杜鎬孫奭被詔詳
校疏其謬誤故也

儀禮疏後校勘經進銜名

推忠協謀翊戴佐理功臣特進守司空兼門下侍郎同中書
門下平章事昭文館大學士上柱國東平郡開國公食邑
五千七百戶臣呂蒙正

推忠協謀佐理功臣光祿大夫尚書右僕射兼門下侍郎同
中書門下平章事監脩國史上柱國隴西郡開國公食邑

三千八百戶臣李沆

朝散大夫守尚書刑部侍郎參知政事瑯琊郡開國侯食邑一千戶食實封四百戶賜紫金魚袋臣王旦

朝散大夫給事中參知政事柱國太原郡開國伯食邑八百戶食實封四百戶賜紫金魚袋臣王欽若

大宋景德元年六月 日

翰林侍講學士太中大夫守尚書工部侍郎兼國子監祭酒權同向當官院事柱國河內郡開國侯食邑一千戶食實封四百戶賜紫金魚袋臣邢昺都校

朝奉郎守國子博士騎都尉臣李慕清再校

南宮 朝請郎守大理寺丞臣 元再校

朝請大夫尚書虞部郎中崇文院檢討 護軍臣杜鎬校定

朝散大夫行尚書職方員外郎祕閣校理上柱國臣舒雅校定

承奉郎守尚書屯田員外郎直集賢院騎都尉臣李維校定

諸王府侍講承奉郎守尚書屯田員外郎兼國子監直講賜金魚袋臣孫奕校定

通直郎守太子洗馬國子監直講騎都尉杭州監彫印板臣王煥校定

宣德郎守大理寺丞國子監直講賜緋魚袋臣崔倓校定

右在吳門黃氏所
藏儀禮單疏後

案北宋刊諸經疏存於今者臨清徐氏有周易正義日本楓山官庫有尚書正義竹添氏有南宋覆毛詩正義近藤氏有影寫左傳正義此外如儀禮公羊爾雅三疏世亦有南宋覆刊之本其行款則除易疏未見外書疏每行二十四字毛詩與左傳疏每行二十五字儀禮疏二十七字公羊二十三字至二十八字爾雅疏三十字皆半葉十五行此亦六朝以來義疏舊式也日本早稻田大學藏六朝人書禮記子本疏義每行二十八九字至三十字不等狩谷望之所藏古鈔禮記

單疏殘卷每行二十六七字法國巴黎國民圖書館藏敦煌
所出唐人書老子道德經義疏亦每行二十五字至三十字
其餘唐人所書佛經疏亦是五代刊九經用大字宋初刊
經疏用小字皆仍唐時卷子舊式非徒以卷帙之繁簡分大
小也

又案宋初五經正義趙安仁所書最多詩疏安仁與張致用
陳元吉韋宿等四人書左傳疏安仁一人書想所書尚有他
種然銜名不存無從考證矣考安仁所書金剛般若經十善
業道經要略父母恩重經諸石刻尚在今開封府繁臺下金
剛經末題大宋太平興國二年歲次丁丑十月戊午朔八日
乙卯鄉貢進士趙安仁書字體在歐柳之間趙德父評李鶚
書窘於法度而韻不能高安仁亦頗似之然在刊本之中當
以李趙為最精勁矣

書義十三卷

新經詩義三十卷

周禮新義二十二卷

直齋書錄解題書義十三卷侍講臨川王雱元澤撰其父安石序之曰熙寧三年臣安石以尚書入侍遂豫政而子雱實嗣講事有旨為之說以進八年下其說大學頒焉雱蓋述其父之學王氏三經義此其一也初熙寧六年命知制誥呂惠卿充修撰經義以安石提舉修定又以安石子雱惠卿弟升卿為修撰官八年安石復入相新傳乃成雱蓋主是經者也王氏學獨行於世者六十年科舉之士熟於此乃合程度前輩謂如脫鑿然案其形模而出之士習膠固更喪亂乃已又新經詩義三十卷王安石撰亦三經義之一也皆雱訓其辭而安石釋其義

又周禮新義二十二卷王安石撰熙寧八年詔頒之國子監

且置之義解之首其解止於秋官不及考工記

續資治通鑑長編二百六十六熙寧八年七月詔以新脩經義付杭

州成都府轉運司鏤板所入錢封樁庫半年一上中書禁私

印及鬻之者杖一百許人告賞錢一百千從中書禮房請也

經典釋文三十卷

勘官登仕郎前守趙州柏鄉縣主簿臣張崇甫

勘官登仕郎前守丹州司法參軍臣李守志

勘官登仕郎試大理評事前守唐州湖陽縣監察御史賜緋魚袋臣皇甫與

勘官宣德郎試大理評事前守許州錄事參軍兼監察御史臣姜融

勘官朝請大夫行國子監丞柱國臣馮英

詳勘官通議大夫鴻臚寺卿兼判國子司業事上柱國賜紫金魚袋臣聶朝義

銀青光祿大夫檢校工部尚書司農卿兼判國子監事臣衛融

乾德三年五月 日

重詳勸官朝散大夫太子中舍權判太府寺國子監事柱國賜紫金魚袋臣陳鄂
重詳勸官山南西道節度判官奏行尚書司封郎中上柱國臣姚恕

開寶二年正月 日

推忠協謀佐理功臣金紫光祿大夫尚書吏部侍郎參知政
事上柱國東平郡開國侯食邑一千戶臣呂餘慶等進

推忠協謀佐理功臣金紫光祿大夫尚書吏部侍郎參知政
事上柱國河東郡開國侯食邑一千戶臣薛居正

推忠協謀同德佐理功臣起復光祿大夫尚書左僕射兼門
下侍郎同中書門下平章事昭文館大學士監修國史上
柱國天水郡開國公食邑二千戶食實封四百戶臣趙普

此題名見葉
林宗景宋本

玉海建隆三年判監崔頌等上新校禮記釋文開寶五年判
監陳鄂與姜融等四人校孝經論語爾雅釋文上之二月李

昉知制誥李穆扈蒙校定尚書釋文

德明釋文用古文尚書命判監周惟簡與陳鄂重修定詔並刻板頒行

又唐陸德明尚書釋文用古文後周顯德二年郭忠恕定古文刻板太祖命判國子監周惟簡等重修開寶五年詔翰林學士李昉校定上之詔名開寶新定尚書釋文咸平二年十月乙丑孫奭請摹古文尚書音義與新定釋文並行從之

尚書釋文印板猶存請雕印

又景德二年二月甲辰命孫奭杜鎬校定莊子釋文

又爾雅音義二卷釋智騫撰吳鉉駁其舛誤天聖四年五月

戊戌國子監請摹德明音義

又天聖八年九月重刊詩書釋文

羣經音辨七卷

中書門下 牒崇文院

翰林學士丁度等劄子奏昨刊修集韻曾奏取賈昌朝所撰

羣經音辨七卷參酌修入備見該洽今寫錄到淨本進呈欲
送中書看詳施行取
進止
牒奉
敕宜令崇文院雕印頒行牒至準車
敕故牒

多所封寶元二年十一月三日牒

說文陳正大部古侍郎天參知軍政車事

參右諫議大夫參知政事

尚書左丞參知政事

戶部侍郎平章事

門下侍郎兼兵部尚書平章事

康定二年七月五日準中書劄子奉

聖旨管勾雕造

朝散大夫右諫議大夫參知政事輕車都尉河內郡開國侯食邑一千戶食實封貳伯戶賜紫金魚袋臣賈昌朝慶歷三年十月 日雕造了畢

進呈

朝散大夫右諫議大夫參知政事輕車都尉汝南郡開國侯食邑一千八百戶食實封肆伯戶賜紫金魚袋臣范仲淹

朝散大夫右諫議大夫參知政事輕車都尉河內郡開國侯食邑一千戶食實封貳伯戶賜紫金魚袋臣賈昌朝推忠協謀佐理功臣開府儀同三司行刑部尚書同中書門下平章事兼樞密使集賢殿大學士柱國臨淄郡開國公食邑一萬五百戶食實封叁阡戶臣晏殊

推忠協謀同德守正佐理功臣特進行工部尚書同中書
門下平章事兼樞密使昭文館大學士監修國史上柱
國京兆郡開國公食邑七千五百戶食實封貳阡肆百
戶臣章德象

輜軒使者絕代語釋別國方言十三卷

郡齋讀書志予傳方言本於蜀中後用國子監刊行本校之
多所是正其疑者兩著之

說文解字十五卷

銀青光祿大夫守右散騎常侍上柱國東海縣開國子食邑
五百戶臣徐鉉等伏奉聖旨校定許慎說文解字一部伏以
振發人文興崇古道考遺編於魯壁緝蠹簡於羽陵載穆皇
風允符昌運伏維應運統天睿文英武大聖至明廣孝皇帝
陛下凝神繫表降鑒機先聖靡不通思無不及以為經籍既

正憲章具明非文字無以見聖人之心非篆籀無以究文字之義眷茲謠俗深惻皇慈爰命討論以垂程式將懲宿弊宜屬儒臣臣等寔媿謏聞猥承乏使徒窮博學豈副宸謨塵瀆冕旒冰炭交集其書十五卷以編秩繁重每卷各分上下共三十卷謹詣東上閣門進上謹進

雍正三年十一月 日翰林書學臣王惟恭臣葛滿等狀進

奉直郎守祕書省著作郎直史館臣白中正

銀青光祿大夫守右散騎常侍上柱國東海郡開國子食邑五百戶臣徐鉉

中書門下牒徐鉉等

新校定說文解字

牒奉

敕許氏說文起於東漢歷代傳寫謬實多六書之蹤無所取法若不重加刊正漸恐失其原流爰命儒學之臣共詳篆

籀之跡右散騎常侍徐鉉等深明舊史多識前言果能商榷
是非補正闕漏書成上奏克副朕心宜遣雕鐫用廣流布自
我朝之垂範俾永世以作程其書宜付史館仍令國子監雕
為印板依九經書例許人納紙墨價錢收贖兼委徐鉉等檢
點書寫雕造無令差錯致誤後人牒至準
敕故牒

雍熙三年十一月 日牒

給事 中參知政事 辛仲甫

給事 中參知政事 呂蒙正

中書侍郎兼工部尚書平章事 李昉

大廣益會玉篇三十卷

准大中祥符六年九月二十八日

勅都大提舉玉篇所狀先奉敕命指揮差官校勘玉篇一部

三十卷近方了畢遂裝寫淨本進呈其進呈本今欲雕印頒
行伏乞特降指揮事并據翰林學士右諫議大夫知制誥兼
龍圖閣學士祕書監同修國史集賢殿修撰陳彭年等狀昨
據屯田郎中史館校勘吳銳主客員部郎直集賢院丘雍校
勘玉篇一部三十卷再看詳別無差誤並得允當者竊以篇
訓之文歲月滋久雖據經而垂範終練字之未精肅奉詔條
俾從校閱訛謬者悉加刊定敷淺者仍事討論式就編連頗
為愜當儻頒行於普率庶上助於欽明事牒奉

勅宜依牒至准

勅故牒

玉海祥符六年九月學士陳彭年校理吳銳直集賢院丘雍
上準詔新定玉篇三十卷崇文目曰重修請鏤板詔兩制詳定改更之
字天禧四年七月癸亥板成賜雍金紫

字說

續資治通鑑長編紀事本末三十卷紹聖二年十一月庚子三省
言國子司業龔原奏請乞檢詳前奏下贈太傅王安石家取
所進字說副本下國子監校定雕印以便學者傳習從之
大宋重修廣韻五卷

準景德四年十一月十五日

勅四聲成文六書垂法乃經籍之資始實簡冊之攸先自吳
楚辨音隸古分體年祀濶遠攻習多門偏旁由是差譌傳寫
以之漏落矧注解之未解諒教授之何從爰命討論特加刊
正仍令摹印用廣頒行期後學之無疑俾永代而作則宜令
崇文院雕印送國子監依九經書例施行牒至準

勅故牒

又準大中祥符元年六月五日

敎道有形器之適物有象數之滋一爻始畫於龍圖八體遂生於鳥跡書契是造文字敎興踵事增華觸類浸長沿賡載以變本尚辭律之諧音集韻成書抑已久矣朕聿遵

先志導揚素風設敎崇文懸科取士考覈程準茲實用焉而舊本既譌學者多誤必豕魚之盡革乃朱紫以洞分爰擇儒臣叶宣精力校讎增損質正刊修綜其綱條灼然叙列俾之摹刻垂於將來仍特換於新名庶永昭於成績宜改為大宋重修廣韻牒至準

勅故牒

集韻十卷

景祐元年三月太常博士直史館宋祁三司戶部判官太常丞直史館鄭戩等奏昨奉差考校御試進士竊見舉人詩賦多誤使音韻如叙序坐坐氏氏之字或借文用意或因釋轉

音重疊不分去留難定有司論難互執異同上煩

聖聰親賜裁定蓋見行廣韻韻略所載疎漏子注乖殊宜弃
乃留當收復闕一字兩出數文同見不詳本意迷惑後生欲
乞朝廷差官重撰定廣韻使知適從詔祁戩與國子監直講
王洙同刊脩刑部郎中知制誥丁度禮部員外郎知制誥李
淑詳定又以都官員外郎崇政殿說書賈昌朝嘗纂羣經音
辨奏同刊修至寶元二年九月書成上之

寶元二年九月十一日

延和殿

進呈奉

聖旨鏤版施行

校勘天平軍節度推官承奉郎試大理評事充國子監
直講兼冀王潤王宮教授臣趙師民

校勘朝奉郎祕書省著作佐郎充國子監直講兼蘇王
宮伴讀武騎尉臣孫錫

刊脩宣德郎守大理寺丞史館檢討兼國子監直講同
知太常禮院臣王洙

刊脩宣德郎守尚書刑部員外郎直史館同脩起居注
判三司鹽鐵勾院上騎都尉賜緋魚袋臣宋祁

刊脩朝奉郎尚書司封員外郎直集賢院兼天章閣侍
講判大府寺同管勾國子監事輕車都尉賜緋魚袋
臣賈昌朝

刊脩龍圖閣直學士朝散大夫行起居舍人權知開封
府兼畿內勸農使上騎都尉陽武縣開國男食邑三
百戶賜紫金魚袋臣鄭戩

詳定翰林侍讀學士朝散大夫行尚書吏部員外郎史

館脩撰充宗正寺脩玉牒官勾當三班院并管勾祥
源觀事輕車都尉平棘縣國伯食邑八百戶賜紫金
魚袋臣李淑

詳定翰林學士兼侍讀學士朝請大夫尚書左司郎中
知制誥判祕閣兼判太常禮院羣牧使柱國濟陽郡
開國侯食邑一千一百戶賜紫金魚袋臣丁度

慶歷三年八月十七日雕印成

延和殿

進呈奉

聖旨送

國子監施行

朝散大夫右諫議大夫參知政事輕車都尉河內郡開
國侯食邑一千戶食實封貳百戶賜紫金魚袋臣賈

昌朝

推忠協謀佐理功臣開府儀同三司行刑部尚書同中書門下平章事兼樞密使集賢殿大學士上柱國臨淄郡開國公食邑一萬五百戶食實封參阡壹伯戶

臣晏殊

推忠協謀同德守正佐理功臣特進行工部尚書同中書門下平章事兼樞密使昭文館大學士上柱國京兆郡開國公食邑七千五百戶食實封貳阡肆百戶

臣章得象

韻略五卷

玉海景德四年十一月戊寅詔頒行新定韻略送胄監鏤板先以舉人用韻多異詔殿中丞丘雍重定切韻陳彭年言省試未有條格命晁迥崔遵度等詳定刻于韻略之末

又祥符四年六月詳定諸州發解條例附於韻略

又書目韻略五卷景德四年龍圖待制戚綸等承詔詳定考
試聲韻綸等以丘雍所定切韻同用獨用例及新定條例參
定

禮部韻略五卷

玉海景祐四年六月丙申以丁度所修韻略五卷頒行初說
書賈昌朝言韻略多無訓釋疑混聲重疊字舉人誤用詔度
等刊定窄韻十三許附近通用混聲重字具為解注

中書門下牒

牒刊修廣韻所

翰林學士兼侍讀學士尚書刑部郎中知制誥丁度劄子奏
昨奉 勅詳定刊修廣韻韻略所有韻略今將舊本看詳其
閒文字多無解訓并疑混聲及重疊出字不顯義理致誤舉
人使用今取合入詩賦使用聲韻要切文字重修韻略除義

監中
理灼然可曉更不解釋外於逐字下各著訓說或引經史為證又有獨用韻苦窄者難為著撰聲律文字凡一十三處並取有唐諸家韻本詳據許令通用其疑混聲及重疊出字各許依本字下注解使用上件禮部韻略并刪定附韻條制謹先寫錄進呈如可施行欲望却降付刊修所鏤板訖送國子監印造頒行取進止

景祐四年六月日牒

禮部侍郎參知政事石

吏部侍郎參知政事程

戶部侍郎參知政事韓

戶部侍郎平章事陳

門下侍郎平章事王

史記一百三十卷

漢書一百二十卷

後漢書九十卷

以上並
漢化五年

後漢書志三十卷

乾興
元年

麟臺故事淳化五年七月選官分校史記前後漢書虞部員外郎崇文院檢討兼祕閣校理杜鎬屯田員外郎祕閣校理舒雅都官員外郎祕閣校理吳淑膳部郎中直祕閣潘慎修校史記度支郎中直祕閣朱昂再校又命太常博士直昭文館陳充國子博士史館檢討阮思道著作佐郎直昭文館尹少連著作佐郎直史館趙況著作佐郎直集賢院趙安仁將作監丞直史館孫何校前後漢書既畢遣內侍裴愈齎本就

杭州鏤板

玉海略同

內府藏漢書卷尾題淳化五年奉勅刊正至道三年呂端等進見天祿琳瑯情未載

全文又南宋翻後漢書卷末題右奉淳化五年七月二十五日敕重校定刊正後題承奉郎守將作監丞直史館賜緋

魚袋臣孫何承奉郎守祕言省著作佐郎直集賢院賜緋魚袋臣趙安仁二行下闕

又真宗謂宰相曰太宗崇尚文史而三史板本如聞當時校勘官未能精詳尚有謬誤當再加刊正乃命太常丞直史館

陳堯佐著作郎直史館周起光祿寺丞直集賢院孫僅丁遜
覆校史記尋而堯佐出知壽州起任三司判官又以著作佐
郎直集賢院任隨領其事景德元年校畢任隨等上覆校史
記并刊誤文字五卷詔賜帛有差又命駕部員外郎直祕閣
刁衍右司諫直史館晁迥與丁遜覆校前後漢書板本迥知
制誥又以祕書丞直史館陳彭年同其事至二年七月衍等
上言漢書歷代名賢競為注釋是非互出得失相參至有章
句不同名字交錯苟無依據皆屬闕疑其餘則博訪羣書掄
觀諸本儻非明白安敢措辭雖謝該通粗無臆說凡修正三
百四十九簽正三千餘字錄為六卷以進賜衍等器幣有差
中書門下牒再校勘前漢書牒奉

敕國家治洽承平政先稽古顧茲三史繼彼六經昔嘗列於
學官今見施於貢舉淳化中慎擇儒士俾之校讐尋募工徒

已從摹印討論之際雖務精研刊刻之閒猶或差謬是再加於鉛槧庶悉辨於魯魚克正前書式資素業牒至準敕故牒

景德二年七月十八日牒

工部侍郎參知政事馮

兵部侍郎參知政事王

兵部侍郎平章事寇

吏部侍郎平章事畢

何小山煌所校漢書引景德本有此牒

中書門下牒國子監翰林侍講學士尚書工部侍郎知審官院事兼判國子監孫奭奏臣忝膺朝命獲次近班思有補於化文輒干塵於睿覽竊以先王典訓在述作以惟明歷代憲章微簡策而何見鋪觀載籍博考前聞制禮作樂之功世存沿襲天文地理之說率有異同馬遷八書於焉咸在班固十

志得以備詳光武嗣西漢而興范曄繼東觀之作成當世之
茂典列三史以並行克由聖朝刊布天下雖紀傳之類與遷
固以皆同書志之間在簡編而或闕臣竊見劉昭注補後漢
志三十卷蓋范曄作之於前劉昭述之於後始因亡佚終遂
補全綴以遺文申之奧義至於輿服之品具載規程職官之
宜各存制度儻加鉛槧仍俾雕鏤庶成一家之書以備前史
之闕伏□晉宋書等例各有志獨前後漢有所未全其後漢
志三十卷欲望聖慈許令校勘雕印如允臣所奏乞差臣與
各官共同校勘兼乞差劉崇超都大管勾伏候教旨牒奉教
宜令國子監依孫奭所奏施行牒至准教故牒

乾興元年十一月十四牒

右諫議大夫參知政事魯

給事中參知政事呂

中書侍郎兼禮部尚書平章事王

守司徒中書令

下闕 黃復翁所藏宋本有此牒

王海乾興元年十一月戊寅校定後漢志三十卷頒行

容齋四筆劉昭注補志三十卷本朝乾興元年刊國子監孫爽始奏以備前史之闕故淳化五年監中所刊後漢書凡九十卷惟帝后紀十卷列女傳八十卷尚無志焉

麟臺故事景祐二年九月詔翰林學士張觀等刊定前漢書孟子下國子監頒行議者以為前代經史皆以紙素傳寫雖有舛誤然尚可參讎至五代官始用墨板摹六經誠欲一其文字使學者不惑至太宗朝又摹印司馬遷班固范曄諸史與六經皆傳於是世之寫本悉不用然墨板訛駁初不是正而後學者更無他本可以刊驗會祕書丞余靖言前漢書官本舛錯請行刊正因詔靖及王洙盡取祕閣古本對校踰年

乃上漢書刊誤三十卷至是改舊摹板以從新校然猶有未盡者而司馬遷范曄史尤多脫略惜其後不復有古本可正其舛謬者云明年以校勘史記漢書祕書丞余靖為集賢校理大理評事國子直講王洙為史館檢討賜詳定官翰林學士張觀知制誥李淑宋郊器幣有差

景祐元年九月祕書丞余靖上言國子監所印兩漢書文字舛謬恐誤後學臣謹參括衆本旁據他書列而辨之望行刊正詔送翰林學士張觀等詳定聞奏又命國子監直講王洙與靖偕赴崇文院讐對中略靖洙悉取館閣諸本參校二年九月校書畢凡增七百四十一字損二百一十二字改正一千

三百九字

大德本漢書有此一葉

景祐元年九月祕書丞余靖上言國子監所印兩漢書文字舛謬恐誤後學臣謹參括衆本旁據他書列而辨之望行刊

正詔送翰林學士張觀等詳定聞奏又命國子監直講王洙

與靖偕赴崇文院讐對中略靖洙悉取館閣諸本參校二年九

月校畢凡增五百一十二字損一百四十三字改正四百一

十一字

大德本後漢書有此一葉

玉海嘉祐六年十二月命祕書丞陳繹重校前漢書又詔參

政歐陽修看詳熙甯二年八月六日參政趙抃進新校漢書

印本五十冊及陳繹所著是正文字七卷賜繹銀絹內府藏本漢書景祐元年余靖

上言有嘉祐六年陳繹重校歐陽修看詳雕印熙甯二年成書奉御各街名見天祿琳琅

三國志六十五卷

晉書一百三十卷

麟臺故事咸平三年十月詔選官校定三國志晉書唐書以

光祿少卿直祕閣黃夷簡太僕少卿直祕閣錢惟演都官郎

中直史館劉蒙叟駕部員外郎直崇文院檢討直祕閣杜鎬

太常丞直集賢院宋臯著作佐郎祕閣校理戚綸校三國志

又命鎬綸與虞部員外郎史館檢討董元亨秘書丞直史館
劉鍇詳校兵部員外郎直昭文館許袞刑部員外郎直昭文
館陳袞校晉書黃夷蘭續與焉而鎬綸鍇詳校如前金部郎
中直昭文館安德裕屯田郎中直昭文館句中正主客員外
郎直集賢院范貽永殿中丞直史館王希逸洎董元亨劉鍇
同校勘唐書宮苑使劉承珪領其事內侍劉崇超同之五年
校畢送國子監鏤板校勘官賜銀帛有差鍇特賜緋袋

不刻板

玉海云唐書將別修

中書門下牒

吳志

牒奉

勅書契以來簡編咸備每詳觀於淑慝實昭示於勸懲矧三
國肇分一時所紀史筆頗章於遺直策書用著於不刊諒載
籍之前言助人文之至化年紀寔遠悞謬居多爰命學徒俾

其校正宜從模印式廣頒行牒至准

勅故牒

咸平六年十月二十九日牒

左諫議大夫參知政事

工部侍郎參知政事

兵部侍郎同中書門下平章事

門下侍郎同中書門下平章事

左僕射同中書門下平章事

咸平三年十月二十三日奉

敕校定雕印

校勘官宣德郎守祕書省著作佐郎充祕閣校理臣戚綸

校勘官宣德郎守太常丞直集賢院騎都尉臣宋臯

校勘官朝散大夫行尚書駕部員外郎崇文院檢討直祕

閣上輕車都尉賜紫金魚袋臣杜鎬

校勘官朝奉大夫尚書都官郎中直史館賜紫金魚袋臣劉蒙叟

校勘官銀青光祿大夫行太僕少卿直祕閣上柱國彭城
縣開國伯食邑八百戶臣錢惟演

校勘官銀青光祿大夫行光祿少卿直祕閣上柱國臣黃夷簡

詳校官宣德郎守祕書省著作佐郎充祕閣校理臣戚綸
詳校官朝奉郎守祕書丞直史館騎都尉臣劉鍇

詳校官中散大夫行尚書虞部員外郎充史館檢討上柱國臣董元亨

詳校官朝散大夫行尚書駕部員外郎崇文院檢討直祕
閣上輕車都尉賜紫金魚袋臣杜鎬

內侍高班內品朝奉郎守內侍省內謁者監祕閣圖書三
館書籍兼幹當國子監兵部官告院事武騎尉臣劉崇

超

都大主管催促宮院使同幹當皇城司提舉內東崇政殿
萬安宮等門提點鼓司登聞院金紫光祿大夫檢校司
徒使持節勝州刺史兼御史大夫上柱國彭城郡開國
公食邑二千五百戶臣劉承珪

宣德郎守起居舍人知制誥判史館事上騎都尉賜紫金魚袋李宗諤

翰林侍讀學士朝奉大夫守尚書戶部侍郎兼祕書監權
主判吏部流內銓柱國譙郡開國侯食邑一千戶食實

封貳伯戶賜紫金魚袋臣夏侯嶠

南宋刊吳志後
有此牒及銜名

宋書一百卷

南齊書五十九卷

梁書五十六卷

陳書三十六卷

魏書一百十四卷

北齊書五十卷

後周書五十卷

玉海嘉祐六年八月庚申詔三館祕閣校理宋齊梁陳後魏

周北齊七史書有不全者訪求之

又嘉祐七年十二月詔以七史校本四百六十四卷送國子監鏤板頒行

又治平三年五月詔以七史賜二府下逮編校官

郡齋讀書志嘉祐中以宋齊梁陳魏北齊周書舛謬亡缺始命館閣職讐校曾鞏等以祕閣所藏本多誤不足憑以是正請詔天下藏書之家悉上異本久之始集治平中鞏校定南齊梁陳三書上之劉恕等上後魏書王安國上周書政和中始皆畢頒之學官民間傳者尚少

崇文院

嘉祐六年八月十一日

勅節文宋書齊書梁書陳書後魏書北齊書後周書見今國子監並未有印本宜令三館祕閣見編校書籍官員精加校

勦同與管句使臣選擇楷書如法書寫板樣如唐書例逐旋封送杭州開板

治平二年六月

日

江安傅氏所藏宋刊南齊書有此牒

南史八十卷

北史一百卷

隋書八十五卷

麟臺故事天聖二年六月詔右正言直史館張觀太常博士集賢校理王質晁宗懋祕閣校理陳詒光祿寺丞集賢校理李淑館閣校勘彭乘國子監直講公孫覺校勘南北史隋書及令左司郎中知制誥宋綬吏部員外郎龍圖待制劉燁提舉之

玉海天聖二年六月辛酉校南北史隋書四年十二月畢

又景祐元年四月丙辰命宋祁覆校南北史

天聖二年五月十一日上御藥供奉藍元用奉傳聖旨齋禁

中隋書一部付崇文院至六月五日勅差官校勘時命臣銍臣煜提點
右正言直史館張觀

等校勘觀尋為度支
判官續命黃鑑代之仍內出板式刊造

唐書二百二十五卷

嘉祐五年六月廿六日准中書門下劄子奉

旨下杭州鏤板頒行天祿琳琅書目所著
錄唐書有此二行

五代史記七十五卷

郡齋讀書志五代史記七十五卷右皇朝歐陽修永叔以薛

居正史繁猥失實加修定藏於家永叔沒後朝廷聞之取以

付國子監刊行

資治通鑑二百九十四卷

表

獎諭詔書

元豐八年九月十七日准尚書省劄子奉 聖旨重行校定

元祐元年十月十四日奉 聖旨下杭州鏤板

校對宣德郎祕書省正字臣張耒

校對宣德郎祕書省正字臣晁補之

校對朝奉郎行祕書省正字上騎都尉臣宋匪躬

校對朝奉郎行祕書省校書郎充集賢校理武騎尉賜緋魚袋臣盛次仲

校定承議郎充祕閣校理武騎尉賜緋魚袋臣張舜民

校定承議郎祕書省校書郎充集賢校理武騎尉賜緋魚袋臣孔武仲

校定修實錄院檢討官朝奉郎行祕書省著作佐郎武騎尉賜緋魚袋臣黃庭堅

校定宣德郎守右正言臣劉安世

校定奉議郎行祕書省著作佐郎兼侍講賜緋魚袋臣司馬唐

校定修實錄院檢討官承議郎祕書省著作郎兼侍講上騎都尉賜緋魚袋臣范祖禹

中大夫守尚書右丞上柱國汝郡開國侯食邑一千八百

戶食實封貳百戶賜紫金魚袋臣呂大防

通議大夫守尚書左丞上柱國平原郡開國公食邑二千

五百戶食實封柒百戶臣李清臣

金紫光祿大夫守尚書右僕射兼中書侍郎上柱國東平

郡開國公食邑七千一百戶食實封貳阡參佰戶臣呂

公著

五服年月解

續資治通鑑長編

一百五

天聖五年十月乙酉翰林侍講學士孫

奭言現行喪服外祖卑於舅姨大功加於嫂叔其禮顛倒今

錄開寶正禮五服年月一卷請下兩制禮院詳定學士承旨

劉筠等言奭所上五服制度皆應禮然其義簡奧世俗不能

盡通今解之以就平易言兩相為服無所降殺舊皆言報者

具載所為服之人其言周者本避唐諱今復為朞又節取假

甯令附五服敕後以便有司而喪服親疎隆殺之紀乃有定

制己丑詔國子監摹印頒天下

律文十二卷音義一卷

唐律疏義三十卷

玉海天聖四年十一月辛亥詔國子監摹印律文及疏頒行
又天聖七年四月判國子監孫奭言准詔校定律文及疏律
殊與刑統不同本疏依律生文刑統參用後敕雖盡引疏義
頗有增損今校為定本須依元疏為正其刑統行文者省闕
文者益以遵用舊書與刑統兼行又舊本多用俗字改從正
體作律文音義一卷文義不同即加訓解詔崇文院雕印與
律文並行先是四年十一月奭言諸科惟明法一科律文及
疏未有印本舉人難得真本習讀詔國子監直講楊安國趙
希言王圭公孫覺宋祁楊中和校勘判監孫奭馮元詳校至
七年十二月畢鏤板頒行

承奉郎守大理評事知袁州萍鄉縣事充國子監說書臣楊中和

監中
承奉郎守大理寺丞充國子監直講臣宋祁

承奉郎守大理寺丞充國子監直講兼北宅故河州觀察院教授臣公孫覺

王府侍講兼國子監直講朝奉郎

下闕

承奉郎守太子右贊善大夫充國子監直講騎都尉臣楊安國

翰林學士龍圖閣學士兼侍講朝請大夫尚書禮部郎中知制誥同修國史崇文院檢討知承進銀臺司兼門下封駁事判國子監太常禮院輕車都尉始平郡開國侯食邑一千戶食實封肆伯戶賜紫金魚袋臣馮元

翰林侍講學士兼龍圖閣學士中奉大夫尚書兵部侍郎兼羣牧使判國子監太常寺太常禮院上柱國樂安郡開國公食邑二千二百戶食實封肆伯戶賜紫金魚袋臣孫

天聖七年四月 日准

勅送崇文院雕造

宋本律音義後有此十一行

荀子二十卷

將仕郎守祕書省著作佐郎充御史臺主簿臣王子韶同校

朝奉郎尚書兵部員外郎知制誥上騎都尉賜紫金魚袋臣呂夏卿重校

國子監准熙甯元年九月八日

中書荀子節文校定荀揚書所狀先准

中書劄子奉

聖旨校定荀子揚子內揚子一部先次校畢已於治平二年十二月內申納訖今來再校荀子一部計二十卷裝寫已了續次申納者申聞事右奉

聖旨荀子送國子監開版依揚子并音義例印造進 呈及

宣賜劄付國子監准此

校勘官將仕郎前守惠州歸善縣主簿充直講臣盧侗

校勘官登仕郎試祕書省校書郎前守許州司理參軍充直講臣王汝翼

監中
校勘官將仕郎試祕書省校書郎前知婺州永康縣事充直講臣顏復

校勘官將仕郎試祕書省校書郎前知温州樂清縣事充直講臣焦千之

校勘官登仕郎試祕書省著作佐郎充直講臣董唐臣

校勘官朝奉郎守尚書都官員外郎充直講上騎都尉賜緋魚袋臣黎錡

朝奉郎光祿寺丞監書庫武騎尉臣韓端彥

朝奉郎光祿寺丞管勾國子監丞公事飛騎尉臣程伯孫

管勾雕造朝請郎守祕書丞充主簿騎都尉賜緋魚袋臣畢之翰

朝散大夫尚書刑部郎中天章閣待制同知諫院兼同判國

子監輕車都尉賜紫金魚袋臣呂誨

朝散大夫尚書兵部員外郎知制誥判尚書禮部貢院兼知

諫院兼判國子監上騎都尉賜紫金魚袋臣錢公輔

朝散大夫給事中參知政事上輕車都尉北海郡開國公食

邑二千三百戶食實封肆伯戶賜紫金魚袋臣唐介

朝散大夫右諫議大夫參知政事上護軍天水郡開國侯食邑一千戶賜紫金魚袋臣趙抃

推忠協謀同德守正亮節佐理功臣開府儀同三司行尚書左僕射兼門下侍郎同中書門下平章事集賢殿大學士上柱國兗國公食邑一萬一百戶食實封參阡肆伯戶臣

曾公亮

揚子法言十三卷音義一卷

將仕郎前真州六合縣主簿權國子監主簿臣文効
將仕郎前齊州禹城縣主簿充國子監直講臣商傳
將仕郎前汾州靈石縣令充國子監說書臣牛景

儒林郎試祕書省校書郎前陳州宛丘縣令充國子監直講編校祕閣書籍臣孫思恭
無為軍判官將仕郎試祕書省校書郎充國子監直講編校集賢院書籍臣錢藻

宣德郎行太常寺奉禮郎管勾國子監丞公事臣趙越

朝奉郎行太常寺太祝監國子監賣書庫武騎尉臣程高
宣德郎守大理寺丞充國子監直講臣張無競

宣德郎守大理寺丞充國子監直講兼駙馬都尉宅教授臣吳申

承奉郎守大理寺丞充國子監直講臣揚褒

朝奉郎守太常丞知國子監書學兼篆石經同判登聞鼓院騎都尉賜緋魚袋臣楊南仲

編修實錄院檢討官朝奉郎尚書度支員外直祕閣兼充史
館檢討同知太常禮院兼承事兼判官告院騎都尉賜緋
魚袋臣呂夏卿 校定

看詳朝奉郎尚書刑部郎中知制誥權同判吏部流內銓輕車都尉賜紫金魚袋臣邵必

看詳朝散大夫尚書刑部郎中知制誥充宗正寺修玉牒官
判大府寺護軍賜紫金魚袋臣祖無擇

翰林學士朝散大夫給事中知制誥充史館修撰宗正寺修
玉牒官判太常寺兼禮儀事權判尚書禮部工部兼管勾

修纂類篇兼判祕閣祕書省同提舉集禧觀公事兼提舉
校正醫書上輕車都尉汝南郡開國侯食邑一千二百戶
食實封二百戶賜紫金魚袋臣范鎮

翰林學士兼侍讀學士朝散大夫右諫議大夫知制誥充史
館修撰判館事權判尚書都省提舉在京諸司庫務兼提
舉集禧觀公事上輕車都尉太原郡開國公食邑二千三
百戶食實封二百戶臣王珪

管勾雕造朝奉郎守祕書省著作佐郎充國子監主簿臣畢之翰

朝奉郎起居舍人直龍圖閣兼天章閣侍講同知諫院兼管
勾國子監公事上輕車都尉賜紫金魚袋臣傅卞

朝奉大夫尚書工部郎中知制誥充史館修撰宗正寺修玉
牒官兼權同判吏部流內銓判國子監上騎都尉賜紫金
魚袋臣蔡抗

推忠協謀佐理功臣金紫光祿大夫行尚書吏部侍郎參知政事柱國天水郡開國公食邑三千戶食實封八百戶臣趙槩

推忠協謀佐理功臣金紫光祿大夫行尚書吏部侍郎參知政事柱國樂安郡開國公食邑二千八百戶食實封八百戶臣歐陽修

推忠協謀同德守正佐理功臣特進行中書侍郎兼戶部尚書同中書門下平章事集賢殿大學士上柱國廬陵郡開國公食邑七千一百戶食實封二千二百戶臣曾公亮

推忠協謀同德守正佐理功臣開府儀同三司行尚書右僕射兼門下侍郎同中書門下平章事昭文館大學士監修國史兼譯經潤文使上柱國魏國公食邑一萬七百萬戶食實封三千八百戶臣韓琦

道德經二卷

沖虛至德真經八卷

南華真經十卷

玉海咸平六年四月命杜鎬等校道德經六月畢
麟臺故事大中祥符元年六月崇文院檢討杜鎬等校定南
華真經摹刻板本畢賜輔臣人各一本五年崇文院上列子
沖虛至德真經詔賜親王輔臣人各一本景德中朝謁諸陵
路經列子觀詔加至德之號又命官校正其書至是刊板成
賜校勘官金帛有差二年正月諸王府侍講孫奭兼國子監
直講孫奭言莊子注本前後甚多惟郭象所注特會莊生之
旨請依道德經例差館閣衆官校定與陸德明所撰莊子釋
文三卷雕印詔奭與龍圖閣待制杜鎬同校定以聞而言者
以為國學板本爾雅釋文頗多訛舛又命鎬奭同詳定之至
大中祥符四年又命李宗錡楊億陳彭年讎莊子序摹印而

行之先是崇文院校莊子本以其序非郭象之文去之至是
上謂其文理可尚故有是命

齊民要術十卷

玉海天禧二年八月二十六日利州轉運李昉請頒行四時

纂要齊民要術二書

皆古書陳
耕植之法

詔館閣校勘鏤本摹賜

國史志天禧中頒齊
民要術於天下教種

植畜養
之法

葛祐之齊民要術序此書乃天聖中崇文院校本非朝廷要
人不可得

日本高山寺藏卷五卷八二卷通字闕末筆避劉太后父諱
是刊行於天聖中之證每半葉八行行大十七字小二十五
字

初學記

六帖

韻對

續資治通鑑長編

一百
三

天聖三年二月癸酉詔國子監見刊印

初學記六帖韻對等書皆鈔集小說無益學者罷之

孫子七書

續資治通鑑長編三百元豐三年四月乙未詔校定孫子吳子

六韜司馬法三略尉僚子李靖問對等書縷板行之

黃帝內經素問二十四卷

玉海天聖四年十月十二日乙酉命集賢校理晁宗慤王舉正

校定黃帝內經素問難經巢氏元方病源候論唐志五卷五年四月

乙未命國子監摹印頒行詔學士宋綬撰病源序景祐二年

七月庚子命丁度校正素問

重廣補註黃帝內經素問二十四卷

將仕郎守殿中丞孫兆重改誤

朝奉郎守國子博士同校正醫書上騎都尉賜緋魚袋高保衡

朝奉郎守尚書屯田郎中同校正醫書騎都尉賜緋魚袋孫奇

朝散大夫守光祿卿直祕閣判登聞檢院上護軍林億

序臣聞安不忘危存不忘亡者往聖之先務求民之瘼恤民之隱者上主之深慈在昔黃帝之御極也以理身緒餘治天下坐於明堂之上臨觀八極考建五常以為人之生也負陰而抱陽食味而被色外有寒暑之相盪內有喜怒之交侵天昏札瘥國家代有將欲斂時五福以敷錫厥庶民乃與岐伯上窮天紀下極地理遠取諸物近取諸身更相問難垂法以福萬世於是雷公之倫授業傳之而內經作矣歷代寶之未有失墜蒼周之興秦和述六氣之論具明於左史厥後越人得其一二演而述難經西漢倉公傳其舊學東漢仲景撰其遺論晉皇甫謐刺而為甲乙及隋楊上善纂而為太素時則全元起者始為之訓解闕弟七一通迄唐寶應中太僕王冰篤好之得先師所藏之卷大為次註猶是三皇遺文爛然可

觀惜乎唐令列之醫學付之執技之流而薦紳先生罕言之
去聖已遠其術晻昧是以文注紛錯義理混淆殊不知三墳
之餘帝王之高致聖賢之能事唐堯之授四時舜虞之齊七
政禹修六府以興帝功文王推六子以叙卦氣伊尹調五味
以致君箕子陳五行以佐世其致一也奈何以至精至微之
道傳之以至下至淺之人其不廢絕為已幸矣頃在嘉祐中
仁宗念

聖祖之遺事將墜于地迺

詔通知其學者俾之是正臣等承乏典校伏念自歲遂乃搜
訪中外裒集衆本寢尋其義正其訛舛十得其三四餘不能
具竊謂未足以稱

明詔副

聖意而又採漢唐書錄古醫經之存於世者得數十家叙而

考正焉貫穿錯綜磅礴會通或端本以尋支或泝流而討源
定其可知次以舊目正謬誤者六十餘字增注義者二千餘
條一言去取必有稽考外文疑義於以詳明以之治身可以
消患於未兆施於有政可以廣生於無窮恭惟

皇帝撫大同之運擁無疆之休述先志以奉成興微學而永
正則和氣可生災害不生陶一世之民同躋于壽域矣

國子博士臣高保衡光祿卿直祕閣臣林億等謹上

難經二卷

見前

黃帝內經大素三十卷

靈樞經十二卷

甲乙經八卷

玉海嘉祐二年八月辛酉置校正醫書局於編修院命掌禹
錫等五人從韓琦之言也琦言靈樞太素甲乙經廣濟千金

外臺祕臺方之類多訛舛本草編載尚有所亡於是選官校

正

黃帝三部鍼灸甲乙經十二卷

原序

序臣聞通天地人曰儒通天地不通人曰伎□□也雖曰方
技其實儒者之事乎班固序藝文志稱儒者助人君順陰陽
明教化此亦通天地人之理也又云方技者蓋論病以及國
原於以知政非能通三才之奧安能及國之政哉晉皇甫謐
博綜典籍百家之言沈靜寡欲者有高尚之志得風痺因而
學醫習覽經方遂至於妙取黃帝素問鍼經明堂三部之書
撰為鍼灸經十二卷□□□□不能及也或曰素問鍼經明
堂□□非黃帝書似出於戰國曰人生天地之間八尺之軀
藏之堅脆府之大小穀之多少脈之長短血之清濁十二經

監中
之血氣大數皮膚包絡其外可刮而視之乎非大聖上智孰
能知之戰國之人何足與言大哉黃帝內經十八卷鍼經三
卷最出遠古皇甫士安能撰而集之簡編脫漏者已多矣是
使文字錯亂義理顛倒世失其傳學之者鮮矣唐僧甄權但
修明堂圖孫思邈從而和之其餘篇第亦不能盡書之國家
詔儒臣校正醫書等令取素問九靈靈樞太素經千金方及
翼外臺祕要諸家善書校對玉成繕寫將備親覽恭惟主上
聖哲文明光輝上下孝慈仁德蒙被衆庶大頒岐黃遠及方
外使皇化兆於無窮和氣浹而充塞茲亦助神靈順陰陽明
教化之一端國子博士臣高保衡尚書屯田郎中臣孫奇光
祿卿直祕閣臣林億等上

熙寧二年四月二十三日進呈奉

聖旨鏤板施行

朝奉郎守國子博士同校正醫書上騎都尉賜緋魚袋臣高保衡

朝奉郎尚書屯田郎中同校正醫書騎都尉賜緋魚袋臣孫奇

朝散大夫守光祿卿直祕閣判登檢院上護軍臣林億

熙甯二年五月二日

朝散大夫右諫議大夫參知政事上護軍長安郡開國侯食邑一千一百戶賜紫金魚袋臣王安石

推忠佐理功臣正奉大夫行右諫議大夫參知政事上柱國南陽郡開國侯食邑一千一百戶賜紫金魚袋臣趙抃

推忠協謀同德守正亮節佐理翊戴功臣開府儀同三司行尚書左僕射兼門下侍郎同中書門下平章事集賢殿大學士上柱國魯國公食邑一萬一千一百戶食實封三千八百戶臣曾公亮

推忠協謀同德守正亮節佐理功臣開府儀同三司行尚書

左僕射兼門下侍郎同中書門下平章事昭文館大學士
監修國史兼譯經潤文使上柱國鄭國公食邑一萬一千
戶食實封四千戶臣富弼

新編金匱要略方論三卷

傷寒論十卷

直齋書錄解題大凡醫書之行於世者皆仁廟朝所校定也
案會要嘉祐二年置校正醫書局於編脩院以直集賢院掌
禹錫林億校理張洞校勘蘇頌等並為校正又命孫奇高保
衡孫兆同校每一書畢則奏上億等皆為之序下國子監頒
行並補註本草修圖經千金翼方金匱要略傷寒論悉從摹
印天下皆知學古方書嗚呼聖朝仁民之澤遠矣

宋本金匱要略方論首題尚書司封郎中充祕閣校理臣林
億等銓次

景宋本傷寒論序題太子右贊善大夫臣高保衡尚書屯田

員外郎臣孫奇尚書司封郎中祕閣校理臣林億等謹上新編金匱要略方論序張仲景為傷寒雜病論合十六卷今世但傳傷寒論十卷雜病未見其書或於諸家方中載其一二矣翰林學士在館閣日於蠹簡中得仲景金匱玉函要略方三卷上卷則辯傷寒中則論雜病下則載其方并療婦人乃錄而傳之士流纔數家耳嘗以對方對證者施之於人其効若神然而或有證而無方或有方而無證救疾治病其有未備國家詔儒臣校正醫書臣奇先校定傷寒論次校定金匱玉函經今又校成此書仍以逐方次於證候之下使倉卒之際便於檢用也又采散在諸家之方附於逐篇之末以廣其法以其傷寒支多節略故取自雜病以下終以飲食禁忌凡二十五篇除重複合二百六十二方勒成上中下三卷依舊名曰金匱方論臣奇嘗讀魏志華佗傳云出書一卷曰此

監中
書可以活人每觀華佗凡所療病多尚奇怪不合聖人之經
臣竒謂活人者必仲景之書也大哉炎農聖法屬我盛旦
恭維主上丕承大統撫育元元頒行方書拯濟疾苦使和
氣盈溢而萬物莫不盡和矣

太子右贊善大夫臣高保衡

尚書都官員外郎臣孫竒

尚書司封郎中充祕閣校理臣林億等傳上

傷寒論序夫傷寒論蓋祖述大聖人之意諸家莫其倫擬故
晉皇甫謐序甲乙鍼經云伊尹以元聖之才撰用神農本草
以為湯液漢張仲景論廣湯液為十數卷用之多驗近世太
醫令王叔和撰次仲景遺論甚精皆可施用是仲景本伊尹
之法伊尹本神農之經得不謂祖述大聖人之意乎張仲景
漢書無傳見名醫錄云南陽人名機仲景乃其字也舉孝廉

官至長沙太守始受術於同郡張伯祖時人言識用精微過其師其言精而奧其法簡而詳非淺聞寡見者所能及自仲景于今八百餘年惟王叔和能學之其間如葛洪陶景胡洽徐之才孫思邈輩非不才也但各自名家而不能脩明之開寶中節度使高繼沖曾編錄進上其文理舛錯未嘗考正歷代雖藏之書府亦闕於讐校是使治病之流舉天下無或知者國家詔儒臣校正醫書臣竒續被其選以為百病之急無急於傷寒今先校定張仲景傷寒論十卷總二十二篇證外合三百九十七法除複重定有一百一十二方今請頒行太子右贊善大夫臣高保衡尚書屯田員外郎臣孫竒尚書司封郎中祕閣校理臣林億等謹上

治平二年二月四日

進呈奉

聖旨鏤板施行

朝奉郎守太子右贊善大夫同校正醫書飛騎尉賜緋魚袋臣高保衡

宣德郎守尚書都官員外郎同校正醫書騎都尉臣孫奇

朝奉郎守尚書司封郎中充祕閣校理判登聞檢院護軍賜緋魚袋臣林億

翰林學士朝散大夫給事中知制誥充史館修撰宗正寺

脩玉牒官兼判太常寺兼禮儀事兼判祕閣祕書省同

提舉集禧觀公事兼提舉校正醫書所輕車都尉汝南

郡開國侯食邑一千三百戶賜紫金魚袋臣范鎮

推忠協謀佐理功臣金紫光祿大夫行尚書吏部侍郎參

知政事柱國天水郡開國公食邑三千戶食實封八百

戶臣趙欒

推忠協謀佐理功臣金紫光祿大夫行尚書吏部侍郎參

知政事柱國樂安郡開國公食邑三千戶食實封八百

戶臣歐陽脩

推忠協謀同德佐理功臣特進行中書侍郎兼戶部尚書
同中書門下平章事集賢殿大學士上柱國廬陵郡開
國公食邑七千一百戶食實封二千二百戶臣曾公亮
推忠協謀同德守正佐理功臣開府儀同三司行尚書右
僕射兼門下侍郎同中書門下平章事昭文館大學士
監脩國史兼譯經潤文使上柱國魏國公食邑一萬七
百戶食實封三千八百戶臣韓琦

國子監

准 尚書禮部元祐三年八月八日符元祐三年八月七日
酉時准 都省送下當月六日

勅中書省勘會下項醫書冊數重大紙墨價高民間難以買
置八月一日奉

監中
聖旨令國子監別作小字雕印內有浙路小字本者令所屬
官司校對別無差錯即摹印雕板並候了日廣行印造只收
官紙工墨本價許民間請買仍送諸路出賣奉

勅如右牒到奉行前批八月七日未時付禮部施行續准禮
部元祐三年九月二十日准

都省送下當月十七日

勅中書省尚書省送到國子監狀據書庫狀准

朝旨雕印小字傷寒論等醫書出賣契勘工錢約支用五千
餘貫未委於是何官錢支給應副使用本監比欲依雕四子
等體例於書庫賣書錢內借支又緣所降

朝旨候雕印了日令只收官紙工墨本價即別不收息慮日
後難以撥還欲乞

朝廷特賜應副上件錢數支使候指揮尚書省勘當欲用本

監見在賣書錢候將來成書出賣每部只收息壹分餘依元
降指揮奉

聖旨依國子監主者一依

勅命指揮施行

知兗州錄事參軍監國子監書庫臣郭直卿

奉議郎國子監主簿雲騎尉臣孫準

朝奉郎行國子監丞上騎都尉賜緋魚袋臣何宗元

朝奉郎守國子司業輕車都尉賜緋魚袋臣豐稷

朝請郎守國子司業上輕車都尉賜緋魚袋臣盛僑

朝請大夫試國子祭酒直集賢院兼徐王府翊善護軍臣鄭穆

中大夫守尚書右丞上輕車都尉保定縣開國男食邑三

百戶賜紫金魚袋臣胡宗愈

中大夫守尚書左丞上護軍太原郡開國侯食邑一千八

百戶食實封二百戶賜紫金魚袋臣王存

中大夫守中書侍郎護軍彭城郡開國侯食邑一千一百戶食實封二百戶賜紫金魚袋臣劉摯

正議大夫守門下侍郎上柱國樂安郡開國公食邑四千戶食實封九百戶臣孫固

太中大夫守尚書右僕射兼中書侍郎上柱國高平郡開國侯食邑一千六百戶食實封五百戶臣范純仁

太中大夫守尚書左僕射兼門下侍郎上柱國汲郡開國公食邑二千九百戶食實封六百戶臣呂大防

脈經十卷

原序

臣等承詔典校古醫經方書所校讐中脈經一部乃王叔和之所撰集也叔和西晉高平人性度沈靖尤好著述博通經

方精意診處洞識修養之道其行事具唐甘伯宗名醫傳中
臣等觀其書叙陰陽表裏辨三部九候分人迎氣口神門條
十二經二十四氣奇經八以舉五藏六府三焦四時之疴若
網在綱有條而不紊使人占外以知內視死而別生為至詳
悉咸可按用其文約其事詳獨何哉蓋其為書一本黃帝內
經閒有踈略未盡處而又輔以扁鵲仲景元化之法自餘奇
怪異端不經之說一切不取不如何以歷數千百年而傳
用無豪髮之失乎又其大較以為脈理精微其體難辨兼有
數候俱見異病同脈之惑專之指下不可以盡隱伏而乃廣
述形證虛寔詳明聲色王相以此參伍決死生之分故得十
全無一失之繆為果不疑然而自晉室東渡南北限隔天下
多事於養生之書實未遑暇雖好事之家僅有傳者而承疑
習非將喪道真非夫聖人曷為釐正恭惟主上體大舜好生

之德玩神禹叙極之文推錫福之良心鑒慎疾之深意出是
古書俾從新定臣等各殫所學博求衆本據經為斷去取非
私大抵世之傳授不一其別有三有以隋巢元方時行病源
為第十卷考其時而繆自破有以第五分上下卷而撮諸篇
之文別增篇目者推其本文而義無取稽是二者均之未覩
厥真各祕其所藏爾今則考以素問九靈靈樞太素難經甲
乙仲景之書并千金方及翼說脈之篇以校之除去複重補
其脫漏其篇第亦頗為改易使以類相從仍舊為一十卷總
九十七篇施之於人俾披卷者足以占外以知內視死而別
生無待飲上池之水矣國子博士臣高保衡尚書屯田郎中
臣孫奇光祿卿直祕閣臣林億謹上

熙寧元年七月十六日進呈奉

聖旨鏤板施行

朝奉郎守國子博士同校正醫書上騎都尉賜緋魚袋臣高保衡

朝奉郎守尚書屯田郎中同校正醫書騎都尉賜緋魚袋臣孫奇

朝散大夫守光祿卿直祕閣判登聞檢院上護軍臣林億

熙寧二年七月十四日

朝散大夫右諫議大夫參知政事護軍長安郡開國侯食邑一千一百戶賜紫金魚袋臣王安石

推忠佐理功臣正奉大夫行右諫議大夫參知政事上柱國南陽郡開國侯食邑一千戶賜紫金魚袋臣趙抃

推忠協謀同德守正亮節佐理翊戴功臣開府儀同三司行尚書左僕射兼門下侍郎同中書門下平章事集賢殿大學士上柱國魯國公食邑一萬一千一百戶食實封三千八百戶臣曾公亮

推忠協謀同德守正亮節佐理功臣開府儀同三司行尚書

左僕射兼門下侍郎同中書門下平章事昭文館大學士
監修國史兼譯經潤文使上柱國鄭國公食邑一萬一千
戶食實封四千二百戶臣富弼

國子監准監關准尚書禮部符准紹聖元年六月二十五日
勅中書省尚書省送到禮部狀據國子監狀據翰林醫學本
監三學看治任仲言狀伏覩本監先准朝旨開雕小字聖惠
方等共五部出賣并每節鎮各十部餘州各五部本處出賣
今有千金翼方金匱要略方王氏脈經補註本草圖經本草
等五件醫書日用而不可缺本監雖見印賣皆是大字醫人
往往無錢請買兼外州軍尤不可得欲乞開作小字重行校
對出賣及降外州軍施行本部看詳欲依國子監申請事理
施行伏候指揮六月二十三日奉聖旨依奉勅如右牒到奉
行都省前批六月二十六日未時付禮部施行仍關合屬去

處主者一依勅命指揮施行

紹聖三年六月日雕

集慶軍節度推官監國子監書庫向忠恕

承務郎監國子監書庫曾縉

延安府臨真縣令監國子監書庫鄧平

潁州萬壽縣令監國子監書庫郭直卿

宣義郎國子監主簿王仲嶷

通直郎國子監丞武騎尉檀宗益

朝散郎守國子監司業上輕車都尉賜緋魚袋趙挺之

朝奉郎守國子司業兼侍講雲騎尉龔原

巢氏諸病源候論五十卷

玉海

見前

備急千金要方三十卷

千金翼方三十卷

直齋書錄解題

見前

宋本要方題朝奉郎守太常少卿充祕閣校理判登聞檢院
上護軍賜緋魚袋臣林億等校正

外臺祕要方四十卷

宋本題朝散大夫守光祿卿直祕閣判登聞檢院上護軍臣
林億等上進

皇祐三年五月二十六日內降劄子臣寮上言臣昨在南方
州軍連年疾疫瘴癘其尤者一軍有死十餘萬人此雖天令
亦緣醫工謬妄反增其疾臣曾細詢諸州皆闕醫書習讀除
素問病源餘皆傳習偽書故所學淺俚貽誤病者欲望聖慈
特出祕閣所藏醫書委官選取要用者校定一本降付杭州
開板摹印庶使聖澤及於幽隱民生免於天橫奉聖旨宜令
逐路轉運使指揮轄下州府軍監如有疾疫瘴癘之處於聖

惠方中寫錄各用藥方出榜曉示及遍下諸縣許人抄劄仍令祕閣簡外臺祕要三兩本送國子監見校勘醫書官仔細校勘聞奏劄付孫兆准此至治平二年二月二日准中書劄子校正醫書所狀醫書有外臺祕要一項今訪聞前校正官孫兆校正已成所有淨草見在本家欲乞指揮下本家取付本局脩寫進冊所貴早得了當候指揮奉聖旨依所申施行至四年三月 日進呈訖

熙寧二年五月二日奉中書劄子奉聖旨鏤板施行

朝奉郎守國子博士校正醫書上騎都尉賜緋魚袋臣高保衡

朝奉郎尚書屯田郎中同校正醫書騎都尉賜緋魚袋臣孫奇

朝散大夫守光祿卿直祕閣判登聞檢院上護軍臣林億

熙寧二年五月二日

朝散大夫右諫議大夫參知政事上護軍長安郡開國侯食

邑一千一百戶賜紫金魚袋臣王安石

推忠佐理功臣正奉大夫行左諫議大夫參知政事上柱國南陽郡開國侯食邑一千一百戶賜紫金魚袋臣趙抃

推忠協謀同德守正亮節佐理翊戴功臣開府儀同三司行尚書左僕射兼門下侍郎同中書門下平章事集賢殿大學士上柱國魯國公食邑一萬一千一百戶食實封三千戶臣曾公亮

推忠協謀同德佐理守正亮節功臣開府儀同三司行尚書左僕射兼門下侍郎同中書門下平章事昭文館大學士監脩國史兼譯經潤文使上柱國鄭國公食邑一萬一千戶食實封四千戶臣富弼

太平聖惠方一百卷

慶歷善救方一卷

皇祐簡要濟衆方五卷

玉海國史志慶歷善救方一卷八年二月癸酉頒行皇祐簡要濟眾方一云廣濟五

卷皇祐中仁宗謂輔臣曰外無善醫其令太醫簡聖惠方之

要者頒下諸道仍敕長吏拯濟令醫官使周應編三年頒行

神醫普救方

續通鑑長編五百七元符二年三月禮部言尚藥奉御判太醫院

孔元狀乞將神醫普救方差官校正付國子監鏤板頒行從

之

銅人鍼灸圖經

續資治通鑑長編一百五天聖五年十月壬辰醫官院上所鑄俞

穴銅人式二詔一置醫官院一置相國寺先是上以鍼砭之

法傳述不同俞穴有差或害人命遂命醫官王惟一考明堂

氣穴經絡之會鑄銅人式又纂集舊聞訂正訛謬為銅人鍼

灸圖經至是上之因命翰林學士夏竦撰序摹印頒行

賜諸州在七年十二

銅人腧穴鍼灸圖經三卷

玉海先是上以鍼砭之法傳述不同命尚藥奉御王惟一考明堂氣穴經絡之會鑄銅人式又纂集舊聞訂正訛繆為銅人腧穴鍼灸圖經三卷天聖五年上之摹印頒行

開寶新詳定本草二十卷

政和本草序例開寶六年詔尚藥奉御劉翰道士馬志翰林醫官翟煦張素王從蘊吳復圭王光祐陳昭遇安自良等九人詳校諸本仍取陳藏器拾遺諸書相參頗有刊正別名及增益品自馬志為之注解仍命左司員外郎知制誥扈蒙翰林學士盧多遜刊凡二十卷御製序鏤板於國子監

開寶重定本草二十一卷

政和本草序例開寶七年詔以新定本草所釋藥類或有未

允又命劉翰馬志等重詳定頗有增損仍命翰林學士李昉知制誥王祐扈蒙等重看詳凡神農所說以白字別之名醫所傳即用黑字并目錄凡二十一卷

序三墳之書神農預其一百藥既辨本草存其錄舊經三卷世所流傳名醫別錄互為編纂至梁正白先生陶景乃以別錄參其本經朱墨雜書時謂明白而又考彼功用為之注釋為七卷南國行焉逮乎有唐別加參校增藥餘八百味添注為二十一卷本經漏考則補之陶氏誤說則證之然而載歷年祀又踰四百朱字墨字無本得同舊注新注其文互闕非聖主撫大同之運永無疆之休其何以改而正之哉乃命盡考傳誤刊為定本類例非允從而革焉至如筆頭灰兔毫也而在草部今移附兔頭骨之下半天河地漿皆水也亦在草部今移附土石類之間敗鼓皮移附於獸皮胡桐淚改從於

木類紫鑛亦木也自玉石品而取焉伏翼實禽也由蟲魚部而移焉橘柚附於果實食鹽附於光鹽乾薑生薑同歸一說至於雞腸繫萋陸英蒴藿以類相似從而附之仍採陳藏器拾遺李含光音義或討源於別本或傳效於醫家參而較之辨其臧否至如突屈白舊說灰類今是木根天麻根解似赤箭今又全異去非取是特立新條自餘刊正不可悉數下採衆議定為印板乃以白字為神農所說墨字為名醫所傳唐附今附各加顯注詳其解釋審其形性證謬誤而辨之者署為今注考文記而述之者又為今案義既刊定理亦詳明今以新舊藥合九百八十三種并目錄二十一卷廣頌天下傳而行焉

補注本草二十一卷

本草圖經二十一卷

奏勅嘉祐二年八月三日

詔朝廷累頒方書委諸郡收掌以備軍民醫疾訪聞貧下之家難於檢用亦不能修合未副矜存之意今除在京已係逐年散藥外其三京并諸路自今每年京府節鎮及益并慶渭四州各賜錢二百貫餘州軍監賜錢一百貫委長吏選差官屬監勒醫人體度時令按方合藥候有軍民請令畫時給付所有神農本草靈樞太素甲乙經素問之類及廣濟千金外臺祕要等方仍差太常少卿直集賢院掌禹錫職方員外郎祕閣校理林億殿中丞祕閣校理張洞殿中丞集賢校理蘇頌共同校正聞奏臣禹錫等尋奏置局刊校並乞醫官三兩人同共詳定其年十月差醫學秦宗古朱有章赴局祇應三年十月臣禹錫臣億臣頌臣洞又奏本草舊本經注中載述藥性功狀甚多踈略不備處已將諸家本草及書史中應該係該說藥品功狀者採拾補注漸有次第及見唐顯慶中詔

修本草當時修定注釋本經外又取諸般藥品繪畫成圖及別撰圖經等辨別諸藥最為詳備後來失傳罕有完本欲下諸路州縣應係產藥去處並令識別人子細辨認根莖苗葉花實形色大小并蟲魚鳥獸玉石等堪入藥用者逐件畫圖並一一開說著花結實收採時月所用功效其番夷所產藥即令詢問推場市舶商客亦依此供析并取逐味各一二兩或一二枚封角因入京人差齋送當所投納以憑照證書成本草圖并別撰圖經所冀與今本草經並行使後人用藥知所依據

奏可至四年九月又准

勅差太子中舍陳檢同校正五年八月補注本草成書先上之十一月十五日准

勅差光祿寺丞高保衡同共覆校至六年十二月繕寫成版

樣依舊并目錄二十一卷仍

賜名曰嘉祐補注神農本草

嘉祐五年八月十二日進

嘉祐三年十月校正醫書所奏竊見唐顯慶中詔修本草當時修定注釋本經外云云

見前奉

詔旨宜令諸路轉運使指揮轄下州府軍監差逐處通判職官專切管勾依應供申校正醫書所至六年五月又奏本草圖經係太常博士集賢校理蘇頌分定編撰將欲了當奉勅差知潁州所有圖經文字欲令本官一面編撰了當詔可其年十月編撰成書送本局修寫至七年十二月一日進呈奉勅鏤板施行

嘉祐補注本草序舊說本草經神農所作而不經見漢書藝文志亦無錄焉平帝紀云元始五年舉天下通知方術本草

者在所為駕一封軺傳遣詣京師樓護傳稱護少誦醫經本草方術數十萬言本草之名蓋見於此而英公李世勣等注引班固叙黃帝內外經云本草石之寒溫原疾病之深淺此乃論經方之語而無本草之名惟梁七錄載神農本草三卷推以為始斯為失矣或疑其閒所載生出郡縣有後漢地名以為似張仲景華佗輩所為是又不然也淮南子云神農嘗百草之滋味一日而七十毒由是醫方興焉蓋上世未著文字師學相傳謂之本草兩漢以來名醫益眾張機華佗輩始因古學附以新說通為編述本草錄是見於經錄然舊經才三卷藥止三百六十五種至梁陶隱居又進名醫別錄亦三百六十五種因而注釋分為七卷唐顯慶中監門衛長史蘇恭又摭其差謬表請刊定乃命司空英國公李世勣等與恭參考得失又增一百一十四種分門部類廣為二十卷世謂

之唐本草國朝開寶中兩詔醫工劉翰道士馬志等相與撰
集又取醫家嘗用有效者一百三十三種而附益之仍命翰
林學士盧多遜李昉王祐扈蒙等重為刊定乃有詳定重定
之目並鏤板摹行由是醫者用藥遂知適從而偽蜀孟昶亦
嘗命其學士韓保昇等以唐本圖經參比為書稍或增廣世
謂之蜀本草今亦傳行是書自漢迄今甫千歲其間三經誤
著所增藥六百餘種收採彌廣可謂大備而知醫者猶以為
傳行既久後來講求浸多參校近之所用頗亦漏略宜有纂
錄以備頤生毆疾之用嘉祐二年八月有詔臣禹錫臣億臣
頌臣洞等再加校正臣等亦既被命遂更研覈竊謂前世醫
工原診用藥隨效輒記遂至增多槩見諸書浩博難究雖屢
加刪定而去取未一或本經已載而所述粗略或俚俗嘗用
而大醫未聞嚮非因事詳著則遺散多矣乃請因其疏梧更

為補注應諸家醫書藥譜所載物品功用並從採掇惟名近
 迂僻類乎怪誕則所不取自餘經史百家雖非方餌之急其
 間或有參說藥驗較然可據者亦麤收載務從該洽以副詔
 意凡名本草者非一家今以開寶重定本為正其分布卷類
 經注雜糅間以朱墨並從舊例不復釐改凡補注並據諸書
 所說其意義與舊文相參者則從刪削以避重複其舊已著
 見而意有未完後書復言亦俱存之欲詳而易曉仍每條並
 以朱書其端云臣等謹案某書云某事其別立條者則解於
 其末云見某書凡所引書以唐蜀二本本草為先他書則以所
 著先後為次第凡書舊名本草者今所引用但著其所作人
 名曰某惟唐蜀本則曰唐本云蜀本云凡字朱墨之別所謂
 神農本經者用朱字名醫因神農舊條而有增補者以墨字
 閒於朱字餘所增者皆別立條並以墨字凡陶隱居所進者

謂之名醫別錄並以其注附於末凡顯慶所增者亦注其末
曰唐本先附凡開寶所增者亦注其末曰今附凡今所增補
舊經未有者於逐條後開列曰新補凡藥舊分上中下三品
今之新補難於詳辯但以類附見如綠礬次於礬石山薑花
次於豆蔻扶移次於水楊之類是也凡藥有功用本經未見
而舊注已曾引據今之所增但涉相類更不立條並附本注
之末曰續注如地衣附於垣衣燕覆附於通草馬藻附於海
藻之類是也凡舊注出於陶氏者曰陶隱居云出於顯慶者
曰唐本注出於開寶者曰今注其開寶考據傳記者別曰今
按今詳又按皆以朱字別於其端凡藥名本經已見而功用
未備今有所益者亦附於本注之下凡藥有今世已嘗用而
諸書未見無所辯證者如葫蘆巴海帶之類則請從太醫衆
論參議別立為條曰新定舊藥九百八十三種新補八十三

種附於注者不預焉新定一十七種總新舊一千八十二條皆隨類粗釋推以十五凡則補注之意可見矣舊者開寶英公陶氏三序皆有義例所不可去仍載於篇首云

本草圖經序昔神農嘗百草之滋味以拯萬民之疾苦後世師祖由是本草之學興焉漢魏以來名醫相繼傳其書者則有吳普李當之藥錄陶隱居蘇恭等注解國朝兩詔近臣總領上醫兼集諸家上醫之說則有開寶重定本草其言藥之良毒性之寒溫味之甘苦可謂備且詳矣然而五方物產風氣異宜名類既多膺偽難別以虺牀當藤蕪以薺芫亂人參古人猶且患之況今醫師所用皆出於市賈市賈所得蓋自山野之人隨時採獲無復究其所從來以此為療欲其中病不亦遠乎昔永徽中刪定本草之外復有圖經相輔而行圖以載其形色經以釋其同異而明皇御製又有天寶單方藥

圖皆所以叙物真濫使人易知原診處方有所依據二書失傳且久散落殆盡雖鴻都祕府亦無其本天寶方書但存一卷類例粗見本末可尋宜乎聖君哲輔留意於蒐輯也先是詔命儒臣重校神農本草等凡八書光祿卿直祕閣臣禹錫尚書祠部郎中祕閣校理臣億太常博士集賢校理臣頌殿中丞臣檢光祿寺丞臣保衡相次被選仍領醫官秦宗古朱有章等編繹累年旣而補注本草成書奏御又詔天下郡縣圖工所產藥本用永徽故事重命編述臣禹錫以為考正羣書資衆見則其功易就論著文字出異手則其體不一今天下所上繪事千名其解說物類皆據世醫之所聞見事有詳略言多鄙俚向非專一整比緣飾以文則前後不倫披尋難曉乃以臣頌向嘗刻意此書於是建言奏請俾專撰述臣頌旣被旨則哀集衆說類聚詮次粗有條目其間玉石金土之

名草木蟲魚之別有一物而雜出諸郡者有同名而形類全別者則參用古今之說互相發明其荻梗之細大華實之榮落雖與舊說相戾並兼存之崖略不備則稍援舊說以足成文意注又不足乃更旁引經史及方書小說以條悉其本原若陸英為蒟藿花則據爾雅之訓以言之諸香本同則用嶺表錄異以證之之類是也生出郡縣則以本經為先今時所宜次之若菟絲生於朝鮮今則出於冤句奚獨生於少室今乃來自三蜀之類是也收採時月有不同者亦兩存其說若赤箭本經但著采根今乃并取莖苗之類是也生於外夷者則據今傳聞或用書傳所載若玉屑玉泉今人但云玉出於于闐不究所得之因乃用高居誨行程記為質之類是也藥有上中下品皆用本經為次第其性類相近而人未的識或出於遠方莫能形似者但於前條附之若澠疏附於枸杞琥

珀附於茯苓之類是也又古方書所載簡而要者昔人已述其明驗今世亦常用之及今諸郡醫工所陳經效之藥皆并載其方用天寶之例也自餘書傳所無今醫又不能解則不敢以臆說淺見傳會其文故但闕而不錄又有今醫所用而舊經不載者並以類次系於末卷曰本經外類其間功用尤著與舊名附近者則次於逐條載之若通脫次於木通石蛇次於石蟹之類是也總二十卷目錄一卷撰次甫就將備親覽恭惟主上以至仁厚德函養生類一物失所則為之惻然且謂札瘥薦臻四時代有救恤之惠無先醫術蚤歲屢敕近臣警校歧黃內經重定鍼艾俞穴或範金揭石或鏤板聯編憫南方蠱惑之妖於是作慶歷善救方以賜之思下民資用之闕於是作簡要濟衆方以示之今復廣藥譜之未備圖地產之所宜物色萬殊指掌斯見將使合和者得十全之效飲

餌者無未達之疑納斯民於壽康召和氣於穹壤太平之致
茲有助焉臣學不該通職預編述仰奉宸旨深媿寡聞嘉祐
六年九月日朝奉郎太常博士充集賢校理新差知潁州軍
州兼管內勸農及管內開治溝洫河道事騎都尉借紫臣蘇
頌謹上

周髀算經二卷

九章算術九卷

孫子算經三卷

術數記遺一卷

海島算經一卷

五曹算經五卷

夏侯陽算經三卷

張丘建算經三卷

五經算術二卷

緝古算經一卷

祕書省

某書幾卷共 冊

元豐七年九月

日校定降授宣德郎祕書省校書郎

臣葉祖洽上進

校定承議郎行祕書省校書郎臣王仲脩
校定朝奉郎行祕書省校書郎臣錢長卿

奉議郎守祕書丞臣韓宗古

朝奉郎試祕書少監臣孫覺

降授朝散郎試祕書監臣趙彥若

影宋本五曹算經孫子算經
夏侯陽算經後均有此九行

元豐七年九月二十八日

進呈奉

御寶批宜依已校定鏤板

朝奉郎祕書丞上騎都尉賜緋魚袋臣韓治

朝散郎試祕書少監上騎都尉賜緋魚袋臣顧臨

朝議大夫守祕書少監上護軍賜紫金魚袋臣劉攽

中大夫守尚書右丞護軍東平郡開國侯食邑二千三百戶

賜紫金魚袋臣呂大防

通議大夫守尚書左丞上柱國平原郡開國公食邑二千八百戶食實封五百戶臣李清臣

正議大夫守中書侍郎上柱國馮翊郡開國公食邑二千三百戶食實封五百戶臣張璪

正議大夫守門下侍郎上柱國南陽郡開國公食邑二千一百戶食實封壹阡戶臣韓維

金紫光祿大夫守尚書右僕射兼中書侍郎上柱國東平郡開國公食邑六千二百戶食實封壹阡玖伯戶臣呂公著
正議大夫守尚書左僕射兼門下侍郎上柱國河內郡開國公食邑四千一百戶食實封壹阡伍伯戶臣司馬光

影宋本夏侯陽算經後有此十一行

案直齋書錄解題於夏侯陽算經下云元豐京監本知此十

種算經當時亦由胄監刊行矣
地理新書三十二卷

翰林侍讀學士兼侍講學士朝散大夫尚書吏部郎中充史館修撰判國子監提舉集禧觀事上騎都尉賜紫金魚袋臣王洙等奉 勅管句刪修

序臣聞聖人包慮民之心其制器大備其示法詳密使民日去不善居而蕃息者也父母之於子推燥溼以養又教以水溺火焚矛戟虎豹蛇龜之能害人丁寧反覆然後知而避之人識父母之於己生而養之也不識安而全之者父母之教也人之於父母知其大而遺其細知擇福而不知避害聖人者為之宮室耒耜書契舟楫弧矢網罟杵臼重門皆所以興利毆害慮及萬世當是時庶工百執事黽勉于下泄官以智獻功以時為之者百官也成之者聖人也易曰通其變使民

不倦神而化之使民宜之聖人為民父母制器示法既備且
悉周於無窮昔公劉居豳太王居漆沮文王居岐陽武王居
鎬代皆相其吉凶然後居之在詩曰篤公劉既景乃岡相其
陰陽古公亶父聿來胥宇爰契我龜度其鮮原居岐之陽在
渭之將考卜惟王宅是鎬京惟龜正之武王成之及周公營
新邑亦使太保召公先卜宅獻圖兆商相傳說曰明王奉若
天道建都設都然則建邦都營邑屋面方辨位以求其宜本
三王之法也在周禮有建邦國都鄙之法以水地土圭繫表
規日景以極星正朝夕是也秦漢以降術學蠱起占家有五
行堪輿建除叢辰太一諸學世多習者其書寢廣大宋總一
海內天覆地載列聖愛民之心疚然深思農田耕墾風雨祈
禱皆著勅法若醫藥針石不得其宜則夭傷所繇生也論次
為書博士諷誦與令格勅書藏於天下又若占家之說冠昏

行人丘封葬斂日時吉凶不得其法則人逢百殃聖人之心將欲納民於富壽其亦有取於斯也唐貞觀中太常博士呂才奉詔撰陰陽五十篇其八篇地理也至先朝更命司天監史序等分門總輯為乾坤寶典四百五十篇其三十篇地理也書既成高麗國王上表請于有司詔給以寫本然序之書叢雜猥近無所歸詣學者抉其訛謬凡三千五百景祐初司天監丞王承用又指摘闕誤一千九百始詔太子中允集賢校理嵇穎冬官丞張遜太卜署令秦弁與承用覆校同異五年而畢詔付太常命司天少監楊惟德與二宅官三十七人詳其可否惟德洎遜斟酌新歷修正舛盭別成三十篇賜名曰地理新書復詔鈞覈重覆至皇祐三年集賢校理曾公定領其事奏以淺漉疏略無益於世有詔臣洙臣禹錫臣義叟洎公定置局刪修以司天監主簿改正其舊觀文殿學士丁

度典領焉度薨臣洙實掌其屬於是具閱三館所藏及古今
占術驗忌披其奧窔詰其苞祗管以體要區以輕重而各從
攤部先後可尋自呂才成書名以地理而專記冢墓頗殫以
室舍吉凶同條非著書之法今首以城邑營壘寺署郵傳市
宅衢術則左陰右陽刑禍福德所相也辨之以四方叙之以
五行商之以五姓憲之以九星媿之以八卦參之以八變為
地事凡二十篇終以冢穴埏道門陌頃畝則開三閉九山壘
水泉所相也任之以八將齊之以六對董之以三鑑僚之以
六道為葬事凡十篇若乃岡原利害則繪之以易民用為地
圖一篇種次有彙則總之以便看讀為目錄一篇勒成三十
二篇閏之以經義辨鑿空也質之以史傳信休咎也廣之以
異聞求成敗也巫史所傳則存其可據者不顯新見也辭質
而易曉便於俗也伏維 皇帝陛下以聖人制作之德廣祖

宗愛民之心將使斯民去天傷刑害而遠不善則茲書之所
以作也自有詔校正距今二十一年臣洙等以庸淺而黽勉
於下曠日彌月然後能就若乃成而名之皆陛下也四夷有
求於中國觀其書則文而不俚將以見冊府藏書之盛其下
則惠逮漏泉宅兆以時聖人之仁如此惟文武受命世世忠
厚詩人美之曰敦彼行葦牛羊勿踐履謂艸木微者猶能愛
之況於人乎故卜世三十享國過曆若然大宋之仁溥博上
下則愛民之報祚以萬年天之道也謹序

初學記三十卷

續資治通鑑長編

太平御府一千卷

冊府元龜一千卷

太平廣記五百卷目錄一卷

臣昉等言臣先奉勅撰集太平廣記五百卷者伏以六經既

分九流並起皆得聖人之道以盡萬物之情足以啟迪聰明
鑒照今古伏惟 皇帝陛下體周聖啟德邁文思博綜羣言
不遺衆善以為編秩既廣觀覽難周故使采摭菁英裁成類
例惟茲重事宜屬通儒臣等謬以謏聞幸塵清賞猥奉修文
之寄曾無叙事之能退省踈蕪惟增靦冒其書五百卷并目
錄十卷共五百十卷謹詣東上閣門奉表上進以聞冒瀆天
聽臣昉等誠惶誠恐頓首頓首謹言

太平興國三年八月十三日

將仕郎守少府監丞臣呂文仲臣吳淑

朝請大夫太子中贊善柱國賜紫金魚袋臣陳鄂

中大夫太子左贊善直史館臣趙鄰幾

朝奉郎太子中允賜紫金魚袋臣董淳

朝奉大夫太子中允賜紫金魚袋臣王克貞臣張洎

承奉郎左拾遺直史館臣宋白

通奉大夫行太子率更令上柱國賜紫金魚袋臣徐鉉

金紫光祿大夫上柱國陳縣男食邑三百戶臣湯悅

朝散大夫充史館修撰上柱國賜紫金魚袋臣李穆

翰林院學士朝奉大夫中書舍人賜紫金魚袋臣扈蒙

翰林院學士中順大夫戶部尚書知制誥上柱國隴西縣開

國男食邑三百戶賜紫金魚袋臣李昉

八月二十五日奉

勅送史館六年正月奉

聖旨雕印板

玉海引會要先是帝閱類書門目紛雜遂詔修此書興國二

年三月詔昉等取野史小說集為五百卷

五十五部天
郡至百升

三年八月

書成號曰太平廣記六年詔令鏤板

廣記鏤本頌天下言者以為非
學者所亟收墨板藏太清樓

文選六十卷

文苑英華一千卷

麟臺故事大中祥符四年八月選三館祕閣直官校理校勘

文苑英華李善文選摹印頒行

國子監准

勅節文五臣注文選傳行已久竊見李善文選援引該贍典故分明若許雕印必大段流布欲乞更差國子監說書官員校定淨本後抄寫板本更切對讀後就三館雕造候 勅旨奉 勅宜依所奏施行

監中

五代兩宋監本考卷下

海甯王國維

南宋監本

周易正文

尚書正文

毛詩正文

周禮正文

儀禮正文

禮記正文

春秋正經

左傳正文

公羊正文

穀梁正文

孝經正文

論語正文

右見景定建康志書籍類皆冠以本監二字此南宋監本也然北宋胄監固已有單經本直齋書錄解題載春秋經一卷每事為一行廣德所刊古監本也古監本謂汴都監本是汴監已有但兼及他經與否殊無可考南宋渡以後則編刊諸經不獨國學即州郡亦然建康志所載九經正文尚有蜀本建本婺本新定續志所載書板亦有六經正文則監中有單

經本固不足怪也

周易九卷略例一卷注 王弼

尚書十三卷孔氏傳

毛詩二十卷鄭氏箋

周禮十二卷

儀禮十七卷

禮記二十卷並鄭氏注

春秋經傳集解三十卷杜氏

春秋公羊傳解詁十二卷何休學

春秋穀梁傳十二卷范甯集解

孝經一卷御製序并注

論語十卷何晏集解

爾雅三卷郭璞注

孟子章句十四卷趙氏

玉海紹興九年九月七日詔下州郡索國子監元頒善本校

對鏤板

又二十一年五月詔令國子監訪尋五經三館舊監本刻板

李心傳建炎以來朝野雜記監本書籍紹興末年所刊國初

艱難以來固未暇及九年九月張彥實待制為尚書郎始請

下諸道州學取舊監本書籍鏤板頒行從之然所取多有殘
闕故胄監刊六經無禮記正史無漢書二十一年五月輔臣
復以為言上謂秦益公曰監中其他闕書亦令次第鏤板雖
重有費不惜也由是經籍復全

魏了翁六經正誤序五季而後鏤板翻印經籍之傳雖廣而
點畫義訓訛謬自若本朝胄監經史多仍周舊今故家往往
有之而與俗本無大相遠南渡草創則僅取板籍於江南諸
州與京師承平監本大有逕庭而與潭撫閩蜀諸本互為異
同而監本之誤為甚柯山毛居正義甫其於經傳亦既博覽
精擇嘉定十六年春朝廷命胄監刊正經籍司成謂無以易
義甫馳書幣致之盡取六經三傳諸本參以子史字書選粹
文集研究異同凡字義音切豪釐必校儒官稱歎莫有異辭
旬歲閒刊修者凡四經乃猶以工人憚煩詭竄墨本以給有

司而板之誤字實未嘗改者十二三也繼欲修禮記春秋三傳義甫以病目移告事遂中輟

九經三傳沿革例監中現行本不無訛謬脫略之患原注監中大小本有三歲久磨

滅散落未有能修補之者

周易正義十四卷

尚書正義二十卷

毛詩正義四十卷

周禮疏五十卷

儀禮疏五十卷

禮記正義七十卷

春秋左氏傳正義三十六卷

春秋公羊傳疏三十卷

春秋穀梁傳疏十二卷

孝經正義三卷

論語正義十卷

爾雅疏十卷

玉海紹興十五年閏十一月博士王之望請羣經義疏未有

板者令臨安府雕造

建炎以來朝野雜記先是王瞻叔即之望字為學官嘗請摹印諸經

義疏及經典釋文許郡學以贍學或係省錢各市一本置之於學上許之令士大夫仕於朝者率費紙墨錢千餘緡而得書於監云

案北宋監本既為金人輦之而北故南渡初即有重刊正義者如日本竹添氏所藏毛詩正義乃紹興九年九月十九日紹興府雕造此事是否奉行是月七日詔書抑或先已刊刻別無可考又刊經疏者紹興之外尚有何郡紹興所刊除毛詩外更有何經亦無可考至紹興十五年令臨安府雕造經書未有板者則高宗末年羣經義疏當已盡有印板矣此種州郡刊板當時即入監中故魏華父岳倦翁均謂南渡監本盡取諸江南諸州蓋南渡初監中不自刻書悉令臨安府及他州郡刻之此即南宋監本也明黃佐南雍志經籍考所載舊板有周易註疏十三卷儀禮註疏五十卷春秋正義三十

六卷春秋公羊傳疏三十卷春秋穀梁傳疏十二卷爾雅註疏十卷雖其名或稱正義或稱疏或稱註疏然其卷數皆與北宋單疏合而與南雍之十行本註疏不合當即南宋所刊單疏舊板以其板久闕不印又明人但知有註疏不知有單疏故即以註疏目之證以爾雅疏事甚明白案爾雅疏世有三本一袁壽皆藏本後歸黃堯圃者即阮文達爾雅校勘記所據文達言多元時補板二陸存齋藏本用元至順公牘紙印三陳仲魚藏本今藏烏程蔣氏者用洪武江南公牘紙印而欽宗嫌名苴字與高宗諱構字均闕一筆自是南宋刊本又多宋元明三朝補葉其即南雍志之爾雅註疏十卷蓋無可疑以此推之則南雍志之周易儀禮三傳諸疏卷數同於單疏而不同於注疏者即南宋監本單疏蓋可識矣南雍所有十行本注疏板本無儀禮爾雅二種故自元至明初尚補

綴單疏本以彌其闕是以此二疏後世猶有傳本餘疏則自元以後殆已不復印行矣

毛詩正義後重刊歲月及銜名

紹興九年九月十九日紹興府雕造

校對官右迪功郎監潭州南嶽廟韓彰

校對官右迪功郎監潭州南嶽廟穆淮

管幹雕造官右文林郎紹興府觀察推官曾揆

管幹雕造官右文林郎紹興府觀察判官白彥良

周易程氏傳六卷

周易義海撮要十卷

景定建康志書籍易類有監本程氏傳監本義海

淳熙禮部韻略五卷

玉海淳熙元年國子監言韻略前後有增改刪削及多舛

詔校正刊行

增修互註禮部韻略五卷

鶴山先生大全文集

卷六十三

跋毛氏增韻三衢毛氏增韻奏御之

六十二年其子居正義夫膺大司成校司經籍之聘始克鉅梓於胄庠然人情異嚮趨簡厭煩故校其始著尚多刊削世之不遇者非特一增韻也

史記一百三十卷

漢書一百二十卷

後漢書一百二十卷

左迪功郎充無為軍軍學教授潘旦校對

右承直郎充淮南路轉運司幹辦公事石蒙正監雕

此銜名二行在史記列傳二十

後七

容齋續筆前紹興中分命兩淮江東轉運司刻三史板其兩漢書內凡欽宗諱並小書四字曰淵聖御名或徑易為威字而它廟諱皆只缺畫愚而自用為可笑也

案淮南漕司所刊史記明時板在南監今尚有印本流傳每半葉九行行十九字即元西湖書院書目明南雍志所著錄之大字史記也世又有漢書後漢書大字殘本行款相同亦即江東兩淮漕司分刊之本宋南渡初監本皆令州郡分刊則此亦即南宋監本也

三國志六十五卷

史修職郎衢州錄事參軍蔡宙校正兼監鏤板

右廸功郎衢州州學教授陸俊民校正

衢州所刊國志每半葉十行行十九字與北宋監中所刊前三史同明時板在南監此亦南宋監本也

晉書一百三十卷

宋書一百卷

南齊書五十九卷

梁書五十六卷

陳書三十六卷

魏書一百十四卷

北齊書五十卷

後周書五十卷

右南北朝七史明南雍並有九行十八字舊板卽南宋監本
昔人皆以為眉山七史實則重刊北宋或眉山本耳

南史八十卷

北史一百卷

隋書八十五卷

唐書二百五十卷

五代史記七十四卷

直齋書錄解題初吳與人思溪王氏刻藏經有餘板以刊唐
書及五代史真郡庠中中興監書多闕遂取其板以往今監
本是也

唐寫糾繆二十卷

五代史纂誤五卷雜錄一卷

直齋書錄解題宇文時中守吳興以郡庠有二史板遂取書
刻之後皆取入國子監

資治通鑑二百九十四卷

元豐七年十一月進呈 十五日有詔獎諭

元豐八年九月十七日准尚書省劄子奉 聖旨重行校定

元祐元年十月十四日奉 聖旨下杭州鏤板

校對校定諸官銜名

紹興二年七月初一日兩浙東路提舉茶鹽司公使庫下紹興府餘姚縣刊板紹興三年十二月二十日印造進入

右迪功郎紹興府司法參軍主管本司文字兼造帳官臣邊智

右迪功郎充提舉茶鹽司幹辦公事臣常任保

右文林郎充提舉茶鹽司幹辦公事臣強公徹

右修職郎充提舉茶鹽司幹辦公事臣石公憲

右奉議郎提舉兩浙東路茶鹽司公事臣韓協

降授右朝奉郎前提舉兩浙東路茶鹽司公事臣王然

校勘監視

嵯縣進士婁諤

進士茹贊廷

進士唐弈

進士婁時升

進士婁時敏

進士石表

進士茹玕

進士王愈

進士張綱

右迪功郎新虔州興國縣主簿唐自

餘姚縣進士葉汝士

進士杜邦彥

進士錢移哲

進士陸寤

進士顧大治

進士呂克勤

進士張彥衡

進士朱國輔

進士杜紱

進士孫彬

右迪功郎紹興府餘姚縣主簿王綱

右從事郎紹興府嵯縣尉薛鎡

右修職郎紹興府嵎縣丞桂祐之

左迪功郎紹興府府學教授晏肅

右迪功郎知紹興府餘姚縣丞馮榮叔

右承務郎知紹興府餘姚縣丞晏敦臨

右承奉郎知紹興府嵎縣主管勸農公事兼兵馬監押范仲將

右宣議郎知紹興府餘姚縣主管勸農公事兼監石堰鹽場徐端禮

左奉議郎簽書鎮東軍節度判官廳公事張九成

通鑑綱目五十九卷

直齋書錄解題此書嘗刻於溫陵別其綱謂之提要今板在

監中

國語二十一卷

景定建康志書籍有監本國語

孔子家語十卷

景定建康志書籍類有監本孔子家語

荀子二十卷

困學紀聞今監本荀子乃唐與政台州所刻熙甯舊本

莊子 列子 亢桑子 文子

續資治通鑑長編紀事本末卷百二政和七年八月庚辰朔宣

和殿大學士蔡攸奏莊列亢桑文子皆著書以傳後世有唐

號為經並列藏室國朝始加莊列南華沖虛之號以其書入

國子學而亢桑子文子未聞頒行乞取其書於祕書省詳加

讐定列于國子之籍與莊列並行從之

又一百二十七宣和五年十一月癸亥詔國子刊印監御注沖虛至

德真經頒之學者從祭酒蔣存誠等奏請也

監下